



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2847

529  
U-44

2010

529

Ս-ԿԷ

Հարստության խնայողական

# ՏՈՄԱՐ ԵՒ ՏՕՆԱՅՈՅՑ

401

## ՀԱՅԱՍՏԱՆԵԱՅՑ ՍՈՒՐԲ ԵԿԵՂԵՑԻՈՅ

Հայոց թեմական դպրոցների և հայ եկեղեցւոյ  
պաշտօնեաների համար

Աշխատասիրեց

ԳԻՒՏ ԲԵՀԱՆԵՑ ԲՂԱՆԵՆՑ

ԳԻՒՆ Է 50 Կ.

Երկրորդ սրբագրած տպագրութիւն.



Տ Փ Ի Ի Ս

Տպարան Մ. Հարաձէի, Նիկ., 21.

Тип. М. Шарадзе, Ник., 21.

1894

ԳԻՒՏ ԲԱՀԱՆԱՅ ԱՂԱՆԵԱՆՑԻ

Ա.

*Աշխատութիւնները.*

- 1 Աղօթատետր. բ. տպագրութիւն 1889 — 10
- 2 Կրօնի դասագիրք ա. տ. 1889 (տպագրութիւն 1891) . . . . . — 15
- 3 Կրօնի դասագիրք բ. տ. Գ. տպագրութիւն 1891 . . . . . — 25
- 4 Կրօնի դասագիրք գ. տ. Գ. տպագրութիւն 1890 . . . . . — 25
- 5 Տոմար և տօնացոյց Հայաստանեայց ս. եկեղեցւոյ բ. տպագրութիւն 1894 — 50
- 6 Պատի հատուածական օրացոյց ժամանակագրութեամբ է. տարի 1895 . . . . . — 60
- 7 Ծոցի օրացոյց, յաւելուածով է. տարի, 1895 . . . . . — 20
- 8 Կարնոյ գաղթը, պատմական տեսութիւն, 1891 . . . . . — 10
- 9 Գիւան Հայոց պատմութեան գիշք Ա. — բ. 1780—1834. Սահակ Մեսրոպեան մրցանակին արժանացած 1893 . . . . . — 2
- 10 Գիւան Հայոց պատմութեան գիրք Գ. Սիմեան կաթողիկոսի յիշատակարանը. կենսագրութ., յաւելուածներով և ծանօթութիւններով 1894 . . . . . — 7

Բ.

*Թարգմանութիւնները.*

- 11 Հաւատարմութիւնն ամեն արգելքների յաղթում է. Փ. Հոֆմանի 1877 . . . . . — 40
- 12 Խաւարից գէպի լոյս. Փ. Հոֆմանի. 1877 — 40


529  
Ա-44

**ՏՈՄԱՐ ԵՒ ՏՕՆԱՅՈՅՑ**

**ՀԱՅԱՍՏԱՆԵԱՅՑ ՍՈՒՐԲ ԵԿԵՂԵՑԻՈՅ**

**ՀԱՅՈՑ ԹԵՄԱԿԱՆ ԳՊՐՈՑՆԵՐԻ**

**ԵՒ ՀԱՅ ԵԿԵՂԵՑԻՈՅ ՊԱՅՏՕՆԵԱՆԵՐԻ ՀԱՄԱՐ**



**Աշխատասիրեց**

ԳԻՒՏ ԲԱՀԱՆԱՅ ԱՂԱՆԵԱՆՑ

1006  
29197

Երկրորդ սրբագրած տպագրութիւն.



Տ Փ Խ Ի Ս

Տպարան Մ. Շարաձէի, Նիկ., 21.  
Тип. М. Шарадзе, Ник., 21.  
1894

15493

Дозволено цензурою, Тифлисъ, 19-го Августа  
1894 года.

002

ՆՈՐԻՆ ՍՐԲԱԶՆՈՒԹԵԱՆ

ԳԵՐԱԳԱՏԻ

ՏԻՐ ՄԱՂԱԳԻԱ ԵՊԻՍԿՈՊՈՍ

ՕՐՄԱՆԵԱՆԻՆ

Խոնարհաբար նուիրում է

ԱԶԽԱՏԱՆԻՐՈՂԸ.

Ի Հ Ա Յ Ր Ա Պ Ե Տ Ո Ի Թ Ե Ա Ն  
Տ Տ Մ Ա Ր Տ Չ Ի Ա.

ՎԵՆՓՆԻ ԵՒ ՍԲԲԱՆՆԱԳՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ

Ի վրան Չարխախան ս. Աստուածածնի  
յԱրմաշ յՃ Նոյեմբերի 1889 ամի.

Երևանէր երկու մայր եկեղեցւոյն Տփեւաց ար-  
ժանաշնորհ Տ. Գիւտ քահանայի Աղանեանց՝ սիրել-  
ւոյ ի Բրիտոս եւ դորձակցի ի ս. եկեղեցւոջ. ի Տէր  
խնդալ.

Ժողովրդական երկասիրութեանց ձեռք  
ժողովրդեան կրթութեան եւ զարգացման օգ-  
տակար լինել՝ այդ է անշուշտ Ձեր նպատա-  
կը, ինչպէս եւ աշխատասիրութեանցը ցու-  
ցակէն ակներեւ է ամեն զննողի: Եթէ քազ-  
մահատոր չեն՝ քայց քազմաթիւ են. եթէ  
քազմաշխատ չեն՝ քայց քազմօգուտ են. եթէ  
քազմահոշակ եւս չեն՝ քայց քազմատեսակ  
են. եւ Ձեր արժանայարգ սիրելութիւնը կա-  
րող է խղճի անկեղծ գոհունակութեամբ պար-  
ծիլ, թէ զիտէ իւր ժամերը նուիրել այնպի-  
սի աշխատութեանց՝ որք ժողովրդական շըր-  
ջանին մէջ մեծամեծ օգուտներ բերող են ար-  
դէն եւ պիտի բերեն շարունակ:

Ձեր կենաց վիճակներուն փոփոխուիլն  
կարող եղած է Ձեր աշխատութեանց տե-  
սակները փոփոխել, այլ չէ փոփոխած նպա-  
տակը, ուստի իբր քարոյսվէպերու թարգ-

ժանող եւ իբր կրօնական դասագիրքեր ու  
երկասիրող, իբր նոր օրացուցի յօրինող եւ  
իբր գրական յօդուածներու խմբագրող, եւ  
վերջապէս այժմ իբր տոմարի եւ տօնացու-  
ցի աշխատասիրող միշտ կարող եղած էք  
ցուցնել ի Ձեզ նոյն հեղինակի ոճը եւ նոյն  
անձի ոգին:

Տոմարի եւ տօնացուցի ձեռնարկը ըն-  
թերցւոյ սիրով եւ ուրախութեամբ, որովհե-  
տեւ նոյն իսկ եկեղեցական պաշտօնէից հա-  
մար դժուարամատչելի կարծուած հմտու-  
թիւնները դիւրուայց կերպով եկեղեցոյ ման-  
կանց ծանօթ եւ ընտանի էք գործած: Վըս-  
տահ եղէ՞ք, սիրելիդ ի Տէր, որ ծանր եւ  
քարձր աշխատութիւններով զիտուններուն  
խօսողներէն աւելի արդիւնատր եւ երախ-  
տատր են դիւրատար աշխատութիւններով  
ժողովուրդին եւ աշակերտին խօսողներն: Շա-  
րունակեցէ՞ք Ձեր գեղեցիկ ընթացքին մէջ,  
եւ մեր Ուղղափառ եկեղեցոյն եւ նորա վար-  
դապետութեանց եւ պաշտամանց եւ սուրբ  
աւանդութեանց վերաբերեալ ուրիշ շատ եւս  
կէտերը՝ Ձեզի սեպհական ոճով ու ոգով  
մեր քարեպաշտ ժողովրդեան եւ մեր ուսում-  
նատենչ մանկտոյն տուէ՞ք ի ճարակ եւ ի  
ճաշակ:

Բաղձացող էք իմ անուան ձօնել «Տո-  
մար եւ տօնացուց Հայաստանեայց ս. եկե-  
ղեցոյ» ձեռնարկը: Պատիւ է ինձ առաջարկը,  
սակայն այդպիսի նուէրներ Մեկենասներու  
են պատշաճ եւ ոչ եկեղեցոյ խոնարհ պաշ-  
տօնէից: Ես եւս ձեզ նման նոյն ասպարէզի  
մշակներէն եմ, գործակիցներու պարտաւո-  
րութիւնը զիրար պատուել չէ, այլ իրարու  
օգնել: Եթէ Ե. Ս. Օ. Վերափառ Կաթողի-  
կոսին հրամանաւ Ս. Էջմիածնայ Հոգեւոր  
Ճեմարանին մէջ աստուածաբանական զի-  
տութեանց ուսուցչութիւն, եւ Ե. Ս. քարձ-  
րաշնորհ Պատրիարքի հրամանաւ Արմաշու  
եկեղեցական վարժարանի տեսչութեան պաշ-  
տօններս պատուել ի նկատի ունիք, իբր  
կրօնուայցներու խմբին անդամակից, պա-  
տին անոնց է որ իմ առջեւ ասպարէզ քա-  
նալ քարեհաճեցան: Աստուած Ձեզի եւ ըն-  
լոր կրօնուայցներու եւ ինձ յաջողութիւն  
պարգևէ իւր օրհնեալ կամօք:

Ի համբոյր սրբութեան և ի սէր սրտեռանդն  
մնամ արժանապատիւ սիրելի թեանդ աղօթակից

ՄԸՂԸ-ԲԻԸ ԵՊԻՍԿՈՊՈՍ ՕՐՄԸՆԵՆԸ

## ԱՉԻ ԱՌԱՋԻՆ ՏՊԵՐՐՈՒԹԵԼՆ

Մարդս ժամանակի հետ կապուած լինելով, ամենայն անհատ ժամանակի փոփոխութեան հաշիւներով պէտք ունի հետաքրքրուելու և այս պատճառով ամեն թէ հին և թէ նոր ազգեր հետամուտ են եղել ժամանակի ճիշտ չափերը որոշելու և մի որ և է հաստատուն կարգի վերածելու. այդ հաշիւները կոչուում էին տոմարական հաշիւներ:

Հայերն էլ, բնականաբար, նոյն շաւղին են հետևել և տոմարը մեր մէջ էլ իւր ամենահին գործածութիւնն է ունեցել. ինչպէս մեր մատենագիրները աւանդում են տակաւին Հայկի ժամանակ այդ արուեստը գոյութիւն ունէր և այնտեղից սկսուող տոմարական մի մեծ շրջան մինչև այս օրս գոյութիւն ունի-դա Հայկայ հին թուականն է: Այդ հաշիւները ժամանակի ընթացքում, հազարաւոր տարիներ անցնելուց յետոյ՝ զանազան բարեփոխութեան ենթարկուեցան և այսօր այնպիսի մի որոշ կերպարանափոխութիւն է ստացած, որ կարողանում ենք որոշել ժամանակի ամենաանշան փոփոխմունքներն ու յաջորդութիւն-

ները և ժամանակի հետ կապուած մեր բոլոր տօները անվրէպ կատարել:

Տոմարական հաշիւները այնքան գրաւել էին մեր զանազան ժամանակի գրողներին՝ որ մեզ հասած բազմաթիւ գրչագիր աշխատութիւններից մի մեծ մասը այդ նիւթին է վերաբերում. սակայն ամենքը կը խոստովանին, որ դոցանից ոչ մէկը այնպէս պարզ և ամփոփ բովանդակութիւն չունի, որ ցանկացողը կարողանայ տոմարական բոլոր գիտելիքներին ծանօթանալ նոցանով:

Այդ հանգամանքը մի կողմից, և միւս կողմից այն անհրաժեշտ պահանջը, որ ունին մեր թեմական դպրոցները տոմարի դասագրքի պակասութեան պատճառով, ստիպեցին ինձ կազմել այս համառօտ դասագիրքը:

Սոյն դասագիրքը կազմելիս ի նկատի եմ ունեցել մեր հին ու նոր բոլոր տոմարագիրների մի գլխաւոր պակասութիւնը. այն է որ սովորաբար նոքա տալիս են բազմաթիւ երկար ու ձիգ աղիւսակներ այս ու այն անյայտը գտնելու համար՝ առանց կանոնը բացատրելու նոցա. աչքի առջև ունենալով, որ կանոն գիտեցողը միշտ կարող է աղիւսակներ կազմել, իսկ առանց կանոնի աղիւսակ իմացողը, մի անգամ եթէ այս վերջինը կորցնէ՝ իսպառ զրկուում է անյայտը գտնելու կարողութիւնից՝ ես ամեն դէպքում աշխատել եմ

տալ կանոնները և ոչ թէ աղիւսակները. կանոն գիտեցողը արդէն կարող է ինքը աղիւսակ կազմել:

Այս դասագիրքը կազմելիս աչքի առջև ունեցել եմ բազմաթիւ հայերէն և օտար լեզուով տոմարի և աստղաբաշխութեան վերաբերեալ աշխատութիւններ, որոնցից գլխաւորները նշանակում եմ այստեղ:

ԳԻՒՏ ԲԵՆԵՆՅԱՆ ԵՂՄԵՆՅԱՆ

### Մ Ա Մ ՈՒ Լ Ի Կ Ա Ր Ծ Ի Բ Ը

„Արեւելք“ լրագրի 1890 թ. օգոստոսի համարներից մեկում „Տիրայր“ ստորագրութեամբ մի քննադատութիւն շոյս տեսաւ այս դասագրքի մասին, որ աննշան յայտնումք առաջ եկք յերոտւմ այստեղ:

### Տ Ո Մ Ը Ր Ե Ի Տ Օ Ն Ը Յ Ո Յ Յ

Նոր ձեռնարկ կամ դասագիրք մըն է, որոյ նիւթն ալ բոլորովին նոր լինելով կ'արժէ վրան տեսութիւն մը ընել:

Էր ժամանակ մը՝ յորում դպրոցական ուսում ըսուածը, սոսկ լեզուի ձիւղով կ'ըբաղէր: Նախ անհատնում ընթերցանութիւն մը, քերական, հեգարան, Սաղմոս, Աւետարան, կտակարան, ժամագիրք և նարեկ: Վերջէն աւելի անհատ-

նում բերականութիւն մը, համառօտէն ընդարձակին և ընդարձակագունին անցնելով, շատ անիմանալի կանոններ գոց ընելով, և անթիւ բաղուածներ կրկնելով:

Անցան այդ ժամանակները, և դպրոցաց մէջ սկսաւ հմտութեանց ժամանակը, յորում կ'աշխատիմք ամեն տեսակ գիտելեաց վրայ տեղեկութիւն և ծանօթութիւն հաղորդել աշակերտաց, և ինչ որ նոցա կենաց հետ կապ ունի, կամ նոցա աչքին կամ ականջին առարկայ կըլինի, պատշաճ կերպով ծանօթացնել, տրուած տեղեկութիւնները յարմարելով և համեմատելով աշակերտին զարգացման: Աստղաբաշխութիւնն և բընագիտութիւնն ալ իրենց բարձրացած ամօրոններէն իջան, և մանկական կրթութեան մէջ մաս մը ստացան իրենց ամենատարրական ծանօթութիւններով:

Վրօնքը ոչ միայն նախապատիւ է իւր նիւթին բարձրութեամբ, այլ է իւր նիւթին կարեւորութեամբ. պէտք էր ուրեմն որ կրօնքն ալ մեր դպրոցական ուսման նոր ձեւերուն ենթարկուէր, և բարձրապատիւ Աստուածաբանութիւնն ալ իւր գերազանց կայքէն խոնարհելով, դիւրատար ոճով մը մանկական հասակին տանելի դառնայր: Պէտք էր որ անիմանալի բացատրութիւններով ի բերան սերտուած Քրիստոնէական վարդապետութեան տեղ, միտքին վրայ ազդող և սրտին վրայ ներգործող կրօնի ուսումը ընդունուէր դպրոցներու մէջ:

Այսօր, մի նոր դասագիրքի առթիւ, պատեհութիւն կ'ընծայուի ինձ խօսիլ կրօնի պաշտա-

մանց և արարողութեանց վրայ, և այդ պատե-  
 Տուութիւնը կ'ընծայէ Տփղիսու Մայր եկեղեցւոյ  
 ծխատէր երէցներէն Արժ. Տ. Գիւտ քահանայ Ա.  
 Ղանեանց: Այստեղ ներուի ինձ փոքրիկ դիտողու-  
 թիւն մը ի պատիւ քահանայական դասուն Տըփ-  
 ղիսու, յորում սկսած են երեւիլ ուսմամբ և զար-  
 քացմամբ փայլուն անհատներ, որք և գրաւոր եր-  
 կասիրութեամբ օգտակար կըլինին դաստիարա-  
 կութեան գործոյն, և մանաւանդ կրօնական և  
 եկեղեցական դաստիարակութեան: Տ. Գիւտ Ա.  
 Ղանեանց արդէն ծանօթ է շարք մը հրատարա-  
 կութիւններով և Տփղիսու հանդէսներու մէջ ու-  
 սումասիրական յօդուածներով:

Արօնը, ինչպէս կ'ըսէինք, բարոյական և վար-  
 դապետական մասէն դատ, պաշտամանց և արա-  
 րողութեանց մաս մը ունի, որ ամեն հաւատա-  
 ցելոյն համար ամենէն ընտանի մասն է, քանի  
 որ պէտք է ընդհարի անոր ամեն անգամ որ ե-  
 կեղեցի կըմտնէ, կամ կրօնական պաշտօն մը կա-  
 տարելու կըպարտաւորուի: Երբ օր կըհամրէ, երբ  
 տօն մը կըկատարէ, երբ հանդէս մը ունի, միշտ  
 եկեղեցական տեղեկութիւններու կըկարօտի. հայ  
 հաւատացելոյն հնար չէ նոյն իսկ կանոնաւոր ըն-  
 տանեկան կենցաղ ունենալ, առանց իւր տօնա-  
 ցուցին և տոմարին վրայ փոքր ի շատէ տեղեկու-  
 թիւն մը ունենալու: Այսու հանդերձ տօնացոյ-  
 ցը անմերձենալի և տոմարագիտութիւնը անի-  
 մանալի բան մը սեպուած է հտտարակ ժողովըր-  
 դեան, վասն զի ոչ ուրեք խորհուած է նախնա-  
 ցան դաստիարակութեան մէջ փոքրիկ մաս մըն

ալ նուիրել այդ անհրաժեշտ հմտութեան: Մին-  
 չև իսկ եկեղեցական պաշտօնեայք իրենց մասնա-  
 գիտական ուսմանց մէջ չեն ստացած, եկեղեցւոյ  
 պաշտամանց և արարողութեանց վրայ դպրոցա-  
 կան ոճով աւանդեալ և կարճաոտեալ հմտու-  
 թիւն մը, թէպէտ տօնացոյցն ու յայտաւորքը,  
 մաշտոցն ու ճաշոցը շարունակ ձեռուընին ունին:

Եկեղեցւոյ ծիսական հմտութիւնները իբր  
 առանձին նիւթ ընդունուեցան Ս. Էջմիածնի ձե-  
 մարանին մէջ Աեհափառ կաթողիկոսի կարգա-  
 դրութեամբ, 1888-ին. նոյնին կարգադրութիւնը  
 սկսաւ անցեալ տարին Արմաշու Գպրեվանուց մէջ,  
 ուր տօնք և ծէսք Հայաստանեայց եկեղեցւոյ,  
 անունով և չորս տարւոյ ընթացքով դաս մը հաս-  
 տատուած է, որ պիտի բովանդակէ մեր եկեղեց-  
 ւոյն պաշտամանց և արարողութեանց վերաբե-  
 ըեալ բոլոր կէտերը:

Արժ. Աղանեանց կանխած է իւր հրատա-  
 րակութեամբ այդ ճիւղին մշակութիւնը. և թե-  
 մական դպրոցներու և եկեղեցւոյ պաշտօնէից  
 դիւրութեան համար, համառօտ ձեռնարկ մը  
 հրատարակած է Տոմար և Տօնացոյց անուամբ,  
 և երկու մասերու բաժնուած, երկու անուննե-  
 րու համաձայն: Առաջին մասը կը պարունակէ  
 տոմարագիտութիւն կոչուած ուսումը, իսկ երկ-  
 րորդ մասը տօնացուցի կարգադրութիւնները, որք  
 ուսման տեսակէտով անուն մը չունին տակաւին:  
 Պարունակութիւնը ամենածանօթ նիւթերու վրայ  
 է, սակայն նորութիւնը՝ ծանօթ նիւթերը գըպ-  
 րոցական ձևի վերածելն է:

Արժ. Աղանեանց ծանօթ է գրական աշխարհին իւր օգտակար հրատարակութիւններով, և իրեն նպատակ ունենալով ժողովրդական պիտոյից համեմատեալ և ժողովրդական ընթերցողաց չափեալ, կամ թէ դպրոցական աշակերտաց յարմարեալ երկասիրութիւններ յօրինել, իւրբազմակողմանի հմտութեամբ և իւր անխոնջ գործունէութեամբ ցարդ տասնվեց կտոր երկասիրութիւններ հրատարակած է, և բանի հատ ալ ձեռաց տակ աշխատութիւններ ունի, որոց գլխաւորն է ժամանակակից պատմութեան նիւթերու հարուստ հաւաքածոյն, որ յուսամբ թէ ի մօտոյ յաջողի աւարտել և ի լոյս ընծայել:

Բայց մեր դառնամբ առաջարկեալ դասագիրքին:

Ինչպէս կրօնի դասատուութիւնն անհրաժեշտ է ամեն կարգի աշակերտաց իւր բարոյական և վարդապետական տեսակէտով, նոյնպէս ալ անհրաժեշտ պէտք է նկատուի պաշտամանց մասը, զի միևնոյն նիւթի լրացուցիչ մասը կը կազմէ, և եթէ ամբողջական մի նիւթ պիտի աւանդեմք, հնար չէ լրացուցիչ մասերը զանց ընել:

Ուստի ջերմապէս կը յանձնարարեմք ոչ միայն թեմական դպրոցաց, այլ և ամեն թաղակա, կամ ծխական վարժարանաց, որ գոնէ իրենց բարձրագոյն դասերուն աւանդեն այդ նիւթը, առաջ նորդ ունենալով Արժ. Աղանեանցի դիւրուսոյց և դիւրատար դասագիրքն, որ իւր 59 երեսներուն մէջ բաղմակողմանի հմտութիւններ կը պարունակէ, և նիւթին հմուտ դասատուի մը ձեռք շա-

բաթական մի ժամով մի տարուան ընթացք միայն կը կազմէ:

Կը յանձնարարեմք ևս եկեղեցւոյ պաշտօնէից, որ Արժ. Աղանեանցի գիրքը ուսումնասիրեն, ուստի մեծապէս դիւրութիւններ պիտի քաղեն եկեղեցական և տոմարական հաշուոց համար:

Անցողաբար յիշատակեմք կիրակի պահելու օրերու ցուցակը, որոյ վրայ վերջի ատենները խնդիր յուզուեցաւ ժողովրդեան մէջ:

Սիմոն Կաթուղիկոս տօնացուցի բարենորոգման առթիւ 21 օր որոշած էր ըսելով թէ պարտիք կիւրակէ գրտել և պահել» բաց ի բնական կիւրակէ օրերէ: Այդ 21 օրերն են. 1—3 Ծննդեան առաջին և երկրորդ և ութերորդ օրերը, 4. Տեառնընդառաջ, 5. Աւետում, 6. Համբարձում, 7. Աւագ Հինգշաբթի, 8—11. Չատկի և Վարդափառի և Աստուածածնի և Խաչի երկուշաբթիները, 12—14. Աստուածածնայ երեք տօները, Ծննդեան, Ընծայման և Յղութեան, 15, Հրեշտակապետաց տօնը, 16—17. Բարթուղիմէոսի և Թադէոսի երկու տօները, 18—20. Լուսաւորչի երեք տօները, 21. Ամենայն սրբոց տօնը:

Հին տօնացոյցներն այդպիսի խրատ չունէին. իսկ Սիմէոնեան տօնացոյցի երուսաղիմայ և Կոստանդնուպոլսոյ տպագրութիւնք այդ խրատը փոփոխելով, կիրակի տօնելու օրերը 16 միայն ըրած են, որք են. 1—3. Ծննդեան առաջին, երկրորդ և ութերորդ օրեր, 4. Տեառնընդառաջ, 5. Աւագ Հինգշաբթի, 6—7. Չատկի երկուշաբթի և երեքշաբթի, 8. Աւետում, 9 Համբարձում, 10. Գիւտ

Նշխարաց Լուսաւորչի, 11—13. Վարդավառի, Աստուածածնի և խաչի երկուշաբթիներ, 14—16. Աստուածածնայ երեք տօներ:

Ճիսկ յոմանս տեղիս սովոր են կիրակէ պահել: Ծանօթութեամբ իբրև կամաւոր թողուած են միւս հինգերը, որք են. 1. Հրեշտակապետաց տօնը, 2—3. Բարթողիմէոսի և և Թագէոսի երկու տօները, 4—5. Լուսաւորչի միւս երկու տօները:

Արժ. Աղանեանցի ցուցակին մէջ կիրակէ տօնելու օրերը, 23 են նշանակուած:

Սիմէօնեան ցուցակէն կը պակսի Ամենայն սըրբոց տօնը. իսկ աւելցած են. 1. Զատիկի երեքշաբթին, 2. Վարդանանց տօնը, 3. Սահակայ և Մեսրոպբայ տօնը: Արժ. Աղանեանց իւր գիրքը Վեհ. Կաթողիկոսի հաստատութեան ենթարկած է, և այդ ցուցակին վրայ յատուկ հրաման խընդրած և այնպէս հրատարակած է:

Այլ մեր գիտեմք թէ ոչ միայն մեր, այլ և ամեն եկեղեցիներու մէջ կիրակէ պահելու սովորութիւնը տարբեր է տարբեր երկիրներու մէջ, ուստի և Ռուսահայոց և Տաճկահայոց մէջ ալ տարբերութիւն գտնուիլը, լոկ տեղական սովորութեանց հետեանք է:

Գ Բ Ը Կ Ը Ն Ո Ր Թ Ի Ի Ն:

1. Տօնացոյց Հայաստանեայ ս. եկեղեցւոյ:
2. Սիւրմէլեան. տոմարագիտութիւն ընդհանուր եկեղ. քաղաք. վեներտիկ, 1818:
3. Այլ և այլ գրչագիր տոմարագրքեր:
4. Ալիշան. Յուշիկը հայրենեաց Հայոց. Վեն. 1869.
5. Խապայենց. տիեզերագրութիւն. Երուս.
6. Տարբեր ժամանակագրութեան. Վեն. 1857.
7. Սիմէօնեանց Մ. տիեզերագրութիւն (անտիպ):
8. Ղազարոսեան. տիեզերական տարեցոյց. 1873  
Կ. Պօլիս:
9. Էֆիմէրտէ:
10. Տոմար կամ օրացոյց ընտանեկան. Վիեննա. 1858  
և 1859:
11. Օրացոյց. Թէոդոսիա. 1870:
12. Араго. Общепонятная астрономія 4 т. С. П. Б.
13. Малининъ. Космографія.
14. Չամչեան. պատմութիւն Հայոց Վենետ. 1784.

1006  
2985

Յ Ա Ն Կ.

Ա.

Տ Ո Մ Ա Բ.

- Ա. Տոմար կամ ժամանակագրութիւն.
- Բ. Տոմարի սկիզբը.
- Գ. Ժամանակ.
  - ա. Դար.
  - ը. Տարի.
  - զ. Աթիս.
  - դ. Եօթնեակ և օր.
  - ե. Ժամ, րոպէ և մանրերկրորդ.
- Դ. Եռւլեան տոմար.
- Ե. Գրիգորեան տոմար.
- Զ. Հայկական տոմար.
  - ա. Հայկայ թուական և Հայկայ շրջան.
  - ը. Հայոց լուսաւորութեան թուական.
  - զ. Տոմարեան թուական.
  - դ. Սարկաւազադիւր կարգ:
  - ե. Փոքր կամ Ազարիայի թուական.
  - զ. Փրկչական թուական.
- Է. Շրջան.
  - ա. Լուսնի շրջան — իննևասաներեակ կամ ոսկեգիր.
  - ը. Արևի շրջան — վերադիր.
- Ը. Եօթներեակ.
- Թ. Կրկնակ.
- Ժ. Վերադրի գործածութիւնը - լուսնի ծնունդը, լրումը և օրերը գտնելը

Բ.

ՏՕՆԱՅՈՅՑ ՀԱՅԱՍՏԱՆԵԱՅՑ Ա. ԵԿԵՂԵՅԻՈՅ.

- ԺԱ. Զատիի տօնը.
  - ա. Զատիկը.
  - ը. Զատիկան լուսինը և Զատիի տօնի սահմանը.
- ԺԲ. Տարեգիր.
- ԺԳ. Տարեգրով Զատիկը գտնելու կանոնը.
- ԺԴ. Տարեգիր գտնելու կանոնը.
- ԺԵ. Հինգհարիւրեկի շրջան.
- ԺԶ. Մշտնջենական աղիւսակ.
- ԺԷ. Պարզատոմարական աղիւսակ.
- ԺԸ. Հայոց եկեղեցական տօնացոյց.
  - ա. Տօները.
  - ը. Պասերը.
  - զ. Միջոց ուտիքներ.
  - դ. Տօնացուցի ամբողջութիւնը.
  - ե. Շարժական, տէրունական և այլ տօների գտնելու կանոնները.
  - զ. Կիւրակի պահելու օրերը:
  - է. Եկեղեցական ձայները.
  - ը. Չայնգիւտ.
- ԺԹ. Յաւելուած: Տուցակներ. —
  - ա. Լուսնի աւագ լրման:
  - ը. Ամսամուտը գտնելու.
  - զ. Զատիկ-կիւրակէի.
  - դ. Չայնգիւտի.
  - ե. 532 ամեայ-մեծ շրջանի.
  - զ. Պարզատոմարի.
  - է. Տարեգիրներ.

## ԱՌԱՋԻՆ ՄԱՍՆ

### ՏՈՄԱՐ

Ա.

#### ՏՈՄԱՐ ԿԱՄ ԺԱՄԱՆԱԿԱԳՐՈՒԹԻՒՆ

Տոմար կամ ժամանակագրութիւն նշանակում է ժամանակի վերայ տեղեկութիւն կամ ժամանակ չափելու արուեստ: Իսկ տոմարագիտութիւնը այն գիտութիւնն է, որ ցոյց է տալիս ժամանակի այլ և այլ փոփոխութիւնները:

Բ.

#### ՏՈՄԱՐԻ ՍԿԻՋԲԸ

Տոմարագիտութեան ուսումը շատ հին է և ամեն հին ազգեր ունեցել են տոմարի գործածութիւնը միմեանցից շատ կամ քիչ տարբերութեամբ, սակայն՝ պատմութիւնից ճիշտ չէ իմացուում, թէ երբ և ո՞րտեղ է սկիզբն

առել դա: Հին ազգերից Հայերի, Բաբելացի-  
 ների, Եգիպտացիների, Մարաց, Պարսիկների,  
 Յոյների, Հռովմայեցիների և Հրէաների մէջ  
 շատ վաղուց երևում է տոմարի գործածու-  
 թիւնը միմեանցից տարբեր կերպով, բայց թէ  
 սոցանից որն է առաջ սկսել ժամանակը չա-  
 փել՝ յայտնի չէ:

Ամենից հին տեղեկութիւնը, որ ցոյց է  
 տալիս տոմարի գործածութիւնը, մենք գըտ-  
 նում ենք Սուրբ Գրքի մէջ, որից երևում է  
 թէ տոմարի գործածութիւնը Հրէից մէջ սկիզբն  
 է առել Մովսէս մարգարէի ժամանակ 1487  
 տարի Քրիստոսից առաջ, երբ Մովսէս մար-  
 գարէն պատուիրեց Հրէից Զատիկ կամ Պասե-  
 քի տօնը կատարել, այն է նոցա Եգիպտոսից  
 դուրս գալու ազատութեան յիշատակը: Մով-  
 սէսից սկզբնաւորած հրէական տոմարը նո-  
 րանից 600 տարի յետոյ Եգրասը նորոգեց:

Գ.

Ժ Ա Մ Ա Ն Ա Կ

Ժամանակը մի ակնթարթից մինչև բիւ-  
 րաւոր տարիների միջոցն է, որ մարդիկ բնա-  
 կանապէս 24 ժամուան միջոցի վերայ բաժա-

նեցին՝ լուսի և խաւարի փոփոխակի յաջոր-  
 դութեան պատճառով: Ժամանակի սկիզբը,  
 ինչպէս գիտենք Սուրբ Գրքից, աշխարհիս  
 ստեղծման առաջին օրիցն է հաշուում, իսկ ա-  
 րեգակի և լուսնի ընթացքը չորրորդ օրը ո-  
 ղոշուեցաւ:

Ժամանակը սովորաբար երկու է բաժան-  
 ւում. — ա. *ընական* և բ. *արուեստական*:  
 Բնական բաժանմունքներն են՝ *տարին*, *ամիս*  
 և *օրը*, որոնք երկնային մարմինների երե-  
 ւոյթներով են չափւում, իսկ արուեստական  
 բաժանմունքներն են՝ *դար*, *թուական*, *ժամ*,  
*րոպէ*, *մանրերկրորդ*, այսինքն ժամանակի  
 այն չափերը, որոնք արհեստապէս են առաջ  
 եկած և որոնք ուղղակի կապ չունին երկնա-  
 յին մարմինների երևոյթների հետ:

*Տարին* զանազան ազգերից ոմանք երկ-  
 րի մի ամբողջ պտոյտն էին համարում արևի  
 շուրջը, իսկ միւսները լուսնի տարեկան շըր-  
 ջանի ժամանակամիջոցը:

*Ամիսը* հաշուում էր լուսնի մէկ ծնուն-  
 դից մինչև միւսը:

*Շաբաթը* լուսնի մէկ քառորդից մինչև  
 միւսը:

*Օրը* արևի ծագելուց մինչև միւս արևա-  
 ծագը կամ մէկ արևամտից մինչև միւսը:

Ժամը գիշերուայ ու ցերեկուայ որոշ մասերի բաժանմունքն է:

Բոպէն ու ակն/ծար/ծը իւրաքանչիւր ժամը բաժանելու չափեր են:

Ա. Դ ա ղ .

Դարը հարիւր տարուայ շրջան է: Դար է կոչուում նաև հազար տարուան միջոցը:

Նմանապէս մեծ դէպքերի ժամանակամիջոցներն էլ կոչուում են դար, ինչպէս որ աշխարհիս ստեղծագործութիւնից մինչև ջրհեղեղը եղած միջոցը (1655 տարի) կոչուում է առաջին դար, ջրհեղեղից մինչև Քրիստոսի ծնունդը՝ երկրորդ դար, և Քրիստոսից մինչև աշխարհիս վերջը՝ երրորդ դար:

Բ. Տ ա ղ ի .

Տարին ժամանակի գլխաւոր բաժանմունքն է, որ տասներկու ամսուան շրջան ունի և այդքան ժամանակի մէջ երկիրը մի պտոյտ է անում արեգակի շուրջը, այնպէս որ մի տարեգլխին երկիրը ինչ կէտից որ սկսել էր իւր պտոյտը, միւս տարեգլխին նոյն միջոցին լինում է միևնոյն տեղում:

Տարին երկու տեսակ է լինում. — ա. արեգակնային կամ քնական և բ. քաղաքական տարի:

ա. Արեգակնային տարին այն է, որ երկիրս 12 ամսի կամ 365 օրուայ, 5 ժամուան, 48 րոպէի և 50 մանրերկրորդի (և 6 մանրերրորդի) շրջանում արևի չորս կողմը պտոյտ գալով՝ դառնում է իւր առանցքի վերայ:

բ. Քաղաքական այն տարին է, որ սովորաբար ամեն ազգ և տէրութիւն գործ են դնում, որի հաշիւը ամբողջ օրերով է լինում, առանց ժամերի ու մանրերկրորդների և այդ աւելորդ ժամերն ու մանրերկրորդները հաւաքուելով՝ չորս տարին մի անգամ մի ամբողջ օր են կազմում, որ աւելացնելով հասարակ տարու 365 օրերի վերայ՝ չորս տարուց մէկը 366 օր են հաշուում և այդ տարին կոչուում է նահանջ:

Ուրեմն քաղաքական տարին բնական տարուց վեց ժամի չափ կարճ է. և այդ երկու տարիները հաւասարեցնելու համար է, որ քաղաքական տարին չորս տարին մի անգամ նահանջ ենք անում:

Բացի արեգակնային տարուց կայ նուև

լուսնական տարի, որ լուսնի 12 անգամ իւր ընթացքը կատարելու միջոցն է:

Լուսնական տարին էլ երեք տեսակ է լինում.

ա. Աստղաբաշխական, որ 354 օր, 8 ժամ, 48 րոպէ և 30 մանրերկրորդ ունի: Այսքան ժամանակի ընթացքում լուսինը պըտտում է արևի շուրջը:

բ. Քաղաքական, որ 354 օր ունի:

գ. Նահանջ, որ տասներեք ամիս ունի կամ 384 օր:

Գ. Ա մ ի ս.

Տարուայ գլխաւոր բաժանմունքը ամիսն է. առհասարակ ամեն ազգերի մէջ տարին տասներկու ամիս ունի և այս բաժանմունքը նախնի ժողովրդներից է մնացած: Ամսի գործածութիւնը ամենից առաջ լուսնի երևոյթից առաջացաւ. մարդիկ տեսնելով որ լուսինը մի անգամ ծնուելով և իւր շրջանը կանոնաւոր կատարելով դարձեալ ծնւում է, այդտեղից արդէն սկսեցին լուսնական ամիս գործածել. իսկ բաւական ժամանակից յետոյ սկսեցին նաև արեգակնային ամիս գործածել:

Ամիսը երկու է բաժանւում.—Ա. աստ-

ղաբաշխական կամ ընական եւ Բ. քաղաքական:

Ա. Աստղաբաշխական կամ բնական ամիսը այն է, որ չափւում է երկրի կամ լուսնի շարժողութեամբը, վասնորոյ աստղաբաշխական ամիսն էլ բաժանւում է երկու—արեգակնային և լուսնական:

ա. Արեգակնային ամիս ասւում է այն ժամանակամիջոցը, երբ երկիրը Համաստեղութեան մէկ կենդանակերպից հասնում է մինչև միւսը. և որովհետև երկիրը արևի շուրջը պտտում է. կամ որ նոյնն է, երկիրը Համաստեղութեան տասներկու կենդանակերպի առջևով անցնում է 365 օրուայ, 5 ժամուայ, 48 րոպէի և 50 մանրերկրորդի (և 6 մանրերրորդի) ընթացքում, ուստի այդքան միջոցը տասներկու մաս բաժնելով գտնում ենք, որ մի ամիսը ունի 30 օր 10 ժամ 29 րոպէ և 4 մանրերկրորդ:

բ. Լուսնական ամիս կոչւում է այն միջոցը, երբ լուսինը երկրիս շուրջը մի պտոյտ է անում, և ունի ճիշտ 29 օր, 12 ժամ, 44 րոպէ, և 3 մանրերկրորդ:

Բ. Իսկ քաղաքական ամիսը, ինչպէս և քաղաքական տարին էր, ամբողջ օրերով ենք

հաշուում առանց ժամերն ու մանրերկրորդներն հաշուի առնելու:

*Յուլեան տարուան ամիսներ.*

1. Յունուար	31 օր.
2. Փետրուար	28 — (29)
3. Մարտ	31 —
4. Ապրիլ	30 —
5. Մայիս	31 —
6. Յունիս	30 —
7. Յուլիս	31 —
8. Օգոստոս	31 —
9. Սեպտեմբեր	30 —
10. Հոկտեմբեր	31 —
11. Նոյեմբեր	30 —
12. Դեկտեմբեր	31 —

Գրիգորեան տարուան ամիսները նոյնն են, միայն 12 օր առաջ են սկսում Յուլեան տարուայ ամիսներէից:

*Հայոց ամիսներ.*

1. Նաւասարդ	30 օր.
2. Հոռի	30 —
3. Սահմի	30 —

4. Տրէ	30 —
5. Քաղոց	30 —
6. Արաց	30 —
7. Մեհեկան	30 —
8. Արեգ	30 —
9. Ահեկան	30 —
10. Մարերի	30 —
11. Մարգաց	30 —
12. Հրոտից	30 —
13. Աւելեաց	5 — (6):

*Ազարիայի ամիսների անուններ.*

1. Շամս.	7. Թիրայ.
2. Ադամ.	8. Դամայ.
3. Շբաթ.	9. Համիրայ.
4. Նախայ.	10. Արամ.
5. Ղամար.	11. Ովղան.
6. Նադար.	12. Նիրհան.

13. Աւելեաց.

Սոցա օրերի որքանութիւնը նոյն է, ինչ որ Հայոց ամիսներինը:

*Դ. Եօթնեակ եւ օր.*

Ա. Ամիսը չորս մասն է բաժանուում, որի ամեն մէկ մասը կոչուում է շարաթ կամ եօթնեակ, որովհետեւ ամեն մէկ մասը եօթն օր է:

Եօթնեակը ոմանք լուսնի եօթնօրեայ փոփոխութիւնից առաջ եկած են համարում, իսկ ոմանք էլ աշխարհիս եօթնօրեայ արարչութիւնից:

Գրեթէ բոլոր ազգերի մէջ գործ է ածուում եօթնեակը. Հայերն էլ անյիշատակ ժամանակներից գործ են ածում նոյնը. բայց յայտնի չէ թէ սկզբում ինչ անուններ էին տալիս հայերը շաբաթուայ օրերին, սակայն ենթադրում է, որ հին հեթանոսութեան ժամանակ Հռովմայեցւոց և Յունաց քսպէս եօթն մոլորակների անուններով են կնքուած եղել շաբաթուայ օրերը. իսկ այնուհետև Հրէից շաբաթուայ անունները ընդունեցին, միայն միաշաբաթի տեղ կիրակի (որ Յունարէն տէրունական է նշանակում) և պարասկելի տեղ ուրբաթ (որ Արաբերէն կամ Ասորերէն նշանակում է պատրաստութիւն) վերակոչելով նոյն օրերը:

Ահա մեր հին հեթանոսական և ներկայ անունները զուգընթաց զաստուրութեամբ:

- 1. Կիրակի — Արեգակ
- 2. Երկուշաբթի — Լուսին
- 3. Երեքշաբթի — Հրատ
- 4. Չորեքշաբթի — Փայլածու
- 5. Հինգշաբթի — Լուսնթագ

6. Ուրբաթ — Լուսաբեր

7. Շաբաթ — Երևակ

Բ. Օրը ասուում է այն միջոցը, երբ երկիրը մի ամբողջ պտոյտ է անում իւր առանցքի շուրջը, որ լինում է ճիշտ 24 ժամուան ընթացքում:

Օրը երկու կերպ է մտածուում. ա. Աստղաբաշխական կամ ընական և բ. արուեստական:

ա. Աստղաբաշխական կոչուում է օրը 24 ժամ հաշուելով, այն է գիշեր և ցերեկ միասին առած և այդ օրը երկրիս ամեն կողմերը միակերպ անփոփոխ է լինում:

բ. Իսկ արուեստական կոչուում է օրուայ այն մասը, որ տևում է արևի ծագելուց մինչև մայր մտնելը. և սա երկրիս այլ և այլ կողմերը և տարուայ զանազան եղանակներին երկարում է կամ կարճանում: Սիայն տարին երկու անգամ գիշեր և ցերեկ հաւասար են լինում (գարնան ու աշնան գիշերահաւասար):

Օրը իւրաքանչիւր ազգ մի որոշեալ կէտից է սկսում: Այսպէս՝ ա. արևելեան ազգերից շատերը, ինչպէս արեւացիներ, Պարսիկներ, Ասորիներ, Յոյներ և ուրիշ ազգեր արևուծ ծագելուց էին սկսում օրը հաշուել: Բ. Հին Աթենացիներ, Հայերը, Հրէաները, Բոհեմացի-

ներ, Սիլէզացիներ, Չինները, Տաճիկները և իտալական մի քանի նահանգներ՝ արեւի մայր մտնելուց, ինչպէս որ Աստուած հրամայել էր Հրէից. — «Յերեկորեայ մինչև ցերեկոյն շաբաթացուջիք գշաբաթս Զեր» (Ղևտ. ԻԳ. 32.):

Այս պատճառով հրէայք իրանց շաբաթը ուրբաթ երեկոյից են սկսում, իսկ հայերի մէջ էլ այդ սովորութիւնը մնաց. այնպէս որ մեծ տօների նախընթաց երեկոները նախատօնակ ենք կատարում եկեղեցիներում. այդ երեկոն համարելով հետևեալ օրուան մի մասը: գ. Արաբացիներ և այժմեան աստղաբաշխները՝ կէս օրից են հաշուում. և գ. Եգիպտացիներ հին Հռովմայեցիներ և այժմեան արևմտեան ազգերի մեծ մասը՝ կէս գիշերից:

*Ե. Ժամ, ըսպէ եւ մանրերկրորդ.*

Ա. Ժամը բնական օրուայ քսան և չորսերորդ մասն է: Հայոց մէջ օրը՝ 24 հաւասար մաս բաժանելու սովորութիւնը շատ հին է. որովհետև մեր անհամար գրչազիր տոմարագրքերի մէջ տեսնում ենք, որ անյիշատակ ժամանակներից օրուան 24 ժամերին այլ և այլ բուն հայկական անուններ են տուած՝ արևածագից սկսելով:

*Յերեկուայ ժամերի անունները.*

- |                           |                           |
|---------------------------|---------------------------|
| 1. Այգ.                   | 7. Շանթակող.              |
| 2. Ծայգ.                  | 8. Հրակաթ.                |
| 3. Զայրացեալ (ծայրացեալ). | 9. Հուրփայլեալ.           |
| 4. ձառագայթեալ.           | 10. Թաղաթեալ (թաղանթեալ). |
| 5. Շառաւիղեալ.            | 11. Առաղօտ.               |
| 6. Երկրատես.              | 12. Արփող.                |

*Գիշերուայ ժամերի անունները.*

- |               |                |
|---------------|----------------|
| 1. Խաւարակ.   | 7. Խօթափեալ.   |
| 2. Աղջամուղջ. | 8. Գիգակ.      |
| 3. Մթացեալ.   | 9. Լուեաճեմ.   |
| 4. Շաղաւօտ.   | 10. Առաւօտ.    |
| 5. Կամաւօտ.   | 11. Լուսափայլ. |
| 6. Բաւական.   | 12. Փայլածու.  |

Հռովմայեցիներ, Հրէաներ, Յոյներ ու Հայերն օրուան ժամերը երկու մասն էին բաժանում՝ ցերեկուայ և գիշերուայ: Յերեկուան ժամերը չորս մասն էին բաժանում, իւրաքանչիւրը երեք երեք ժամ, որոնց անուանում էին առաջին ժամ (արևածագից սկսելով) 12, 1, 2. երրորդ ժամ 3, 4, 5. Վեցերորդ ժամ 6, 7, 8. և իններորդ ժամ 9, 10 և 11 ժամերը:

Գիշերուան ժամերն էլ չորս մասն էր բաժանուում, երեք երեք ժամ, որոնք կոչուում էին— առաջին պահ 12, 1, 2. երկրորդ պահ, 3, 4, 5, երրորդ պահ 6, 7, 8, և չորրորդ պահ 9, 10, և 11: (Մատթ. թԳ. 25: Մարկ. Ծ. 48.):

Բ. Մի ժամը ունի 60 րոպէ կամ վայրկեան և մի րոպէն 60 մանրերկրորդ (կամ երկրորդական վայրկեան և կամ ակնթարթ). Իւրաքանչիւր մանրերկրորդ էլ բաժանուում է 60 մանրերրորդ մասերի և այս վերջին չափը գործ է դրուում միայն աստղաբաշխական հաշիւներում:

Գ.

**ՅՈՒԼԵԱՆ ՏՈՄԱՐ.**

Հռովմայեցոց տոմարը և թուականը սկսուեցաւ Հռովմ քաղաքի շինութեան սկզբնաւորութեան օրից, Քրիստոսից 753 տարի առաջ, Հռոմուլոսի ձեռքով: Նոցա տարին տասն ամիս ունէր, այն է.

- |          |        |
|----------|--------|
| 1. Մարտ  | 31 օր. |
| 2. Ապրիլ | 30 —   |
| 3. Մայիս | 31 —   |

- |               |        |
|---------------|--------|
| 4. Կուարտիլիս | 30 օր. |
| 5. Կուինտիլիս | 31 —   |
| 6. Սեքստիլիս  | 30 —   |
| 7. Սեպտեմբեր  | 30 —   |
| 8. Հոկտեմբեր  | 31 —   |
| 9. Նոյեմբեր   | 30 —   |
| 10. Դեկտեմբեր | 30 —   |

Ընդամենը 304 —

Հռոմուլոսի յաջորդ Նումա Պոմպիլիոսը տեսաւ, որ Հռոմուլոսի տարին թէ լուսնական և թէ արեգակնային տարուց պակաս է, ուստի և սխալ. վասնորոյ նա տոմարը կարգի դնելով սահմանեց որ լուսնական տարին 355 օր ունենայ, բաժանուած տասներկու ամիսների վերայ, հին տասն ամիսների վերայ աւելացնելով երկու նոր ամիս՝ Յուլուար և Փետրուար:

Բայց դորանով էլ չուղղուեցաւ տոմարը, որովհետև լուսնական տարին ոչ թէ ամբողջ 355 օր էր կազմում, այլ 354. ուստի այս սխալը տարեց տարի աճելով շփոթում էր Հռովմէական տօների կատարման միջոցները, և այդ ժամանակից մինչև Յուլիոս կայսրը, այն է մօտ 650 տարուայ ընթացքում այդ տարբերութիւնը 67 օրի չափ եղաւ:

Յուլիոս կայսրը նկատեց այդ մեծ ան-

յարմարութիւնը և Եգիպտոսից կանչելով Սոզիգէն Աղէքսանդրացի անուանի աստղագէտին, յանձնեց նորան, որ կարգի դնէ խանգարած տոմարը: Նա այսպէս ուղղեց տոմարը:

Նախ՝ որովհետև տարեգլուխը իսկական ժամանակից 67 օր հեռացել էր՝ այդ տարին 12-ի փոխանակ 15 ամիս զրին, որ եղաւ 445 օր, որպէս զի տարեգլուխը 67 օր առաջ անցնի և հետևեալ տարին իւր ժամանակին գայ:

Երկրորդ՝ նոքա թողին լուսնական տարին, որ մինչև այդ ժամանակ գործ էր դրուում և ընդունեցին Եգիպտացիների գործածած արեգակնային տարին, որ ունէր 365 օր ու 6 ամբողջ ժամ \*) և որոշեցին, որ իւրաքանչիւր երեք տարին 365 օր հաշուեն, իսկ այդ երեք և հետևեալ չորրորդ տարին աւելացած 6 6 ժամերից գոյացած մի օրը աւելացնելով չորրորդ տարուայ վերայ՝ այս վերջինս հաշուեն 366 օր. առաջին երեք տարիները կոչեցին հասարակ տարի, իսկ չորրորդը՝ նահանջ: Տարուայ այդ մի օրուան տարբերութիւնը որոշուեցաւ Փետրուար ամսին անել, որը հասարակ երեք տարիները 28 օր պիտի ունենար, իսկ նահանջ տարին 29 օր:

\*) Իսկապէս արեգակնային տարին ունի 365 օր, 5 ժամ, 48 րոպէ և 50 մանրերկրորդ:

Յուլեան տոմարով ամիսները հետևեալ կերպով բաժանուեցան.

1. Յունուար 31 օր
2. Փետրուար 28 — (նահանջ տ. 29 օր)
3. Մարտ 31 —
4. Ապրիլ 30 —
5. Մայիս 31 —

- |               |      |                                                             |
|---------------|------|-------------------------------------------------------------|
| 6. Յունիս     | 30 — | Կվարտիլիս ամիսը ի պատիւ Յունիոս Բրուտոսի՝ կոչուեցաւ Յունիս: |
| 7. Յուլիս     | 31 — |                                                             |
| 8. Օգոստոս    | 31 — | Սեքստիլիս ամիսը ի պատիւ Օգոստոս կայսեր՝ կոչեցին Օգոստոս:    |
| 9. Սեպտեմբեր  | 30 — |                                                             |
| 10. Հոկտեմբեր | 31 — |                                                             |
| 11. Նոյեմբեր  | 30 — |                                                             |
| 12. Դեկտեմբեր | 31 — |                                                             |

Յուլիոսի այս նոր կարգադրութիւնը կոչուեցաւ Յուլեան տոմար և այս տոմարը սկսաւ գործածուիլ Հռովմի շինութիւնից 709 տարի յետոյ և Քրիստոսից 45 տարի առաջ Յունուարի մէկից:

Յուլեան տոմարը մինչև այժմ գործ է դրուում ինչպէս քանի մի ազգերի, այնպէս էլ մեր մէջ:

Ե.

ԳՐԻԳՈՐԵԱՆ ՏՈՄԱՐ.

Թէպէտ Յուլեան տոմարը տարին ընդունեց 365 օր և 6 ժամ, բայց մենք գիտենք, որ տարին ճիշտ 365 օր և 6 ժամ չունի, այլ մօտ 11 րոպէ և 10 մանրերկրորդ դորանից պակաս. իսկ այդ աւելորդ րոպէները և մանրերկրորդները ժամանակի ընթացքում աճելով՝ մօտ 129 տարուայ մէջ մէկ օր են կազմում:

Այդ տարբերութիւնը Նիկիոյ ժողովից, որ գումարուեցաւ Փրկչի 325 թուին, մինչև 1582 թիւը, այն է 1257 տարուայ ընթացքում գառել էր 10 օր \*), այսինքն Յուլեան տոմարը երկրիս ընթացքից յետ էր մնացել 10 օրով, այնպէս որ զարնան կամ աշնան գիշերահաւասարին իրօք տասն օր պակաս՝ հաշիւներով արդէն գիշերահաւասար էր, և այդպիսով Զատիկի տօնը փոխանակ Նիկիոյ ս. ժողովի որոշածի համաձայն զարնան գիշերահաւասարից յետոյ պատահող լուսնի լրման անմիջապէս հետևող կիւրակի օրը գալով՝ տասն

\*) Եթէ 11 րոպէն և 10 մանրերկրորդը 1257 անգամ վերցնենք՝ գրեթէ 10 օր կըստանանք:

օր առաջ պատահեցաւ. զարնան գիշերահաւասարն այդ հաշուով Մարտի 11-ին էր, փոխանակ Մարտի 21-ին լինելու: Ուրեմն Զատիկի տօնը խախտուեցաւ:

1582 թուին Հռովմի Գրիգոր ժ. պապը ուզեց ուղղել տոմարի այս սխալը և կարգադրեց, որ տոմարական հաշիւների մէջ Հոկտեմբերի 4-ից յետոյ՝ փոխանակ հաշուելու 5՝ դնեն Հոկտեմբերի 15. որով 10 օրով յետ մնացած տարին հասաւ երկրիս բնական ընթացքին: Այս ուղղած հաշիւները կոչուեցան Գրիգորեան կամ նոր տոմար:

Որովհետև 1582 թուին բոլոր կաթոլիք ազգերը Գրիգորեան տոմարով իրանց թուականին 10 օր աւելացրին, իսկ մերը մնաց անփոփոխ, այդ պատճառով 1700 թուին, որ Գրիգորեան տոմարով հասարակ տարի էր, իսկ մեր հաշուով նահանջ, զանազանութիւնը 11 օր եղաւ. միևնույն հաշուով 1800 թուին եղաւ 12 օր, իսկ առաջիկայ 1900 թուին պիտի լինի 13 օր:

Յուլեան տոմարով բացի 4 տարուց մէկը նահանջ լինելուց՝ նաև ամեն դարագլուխ նահանջ էր. բայց որովհետև վերը լիշուած աւելորդ րոպէները 400 տարուայ մէջ մօտ 3 օր և 3 ժամ էին կազմում, ուստի այդ

սխալը նորից չը կրկնուելու համար Գրիգոր պապը սահմանեց, որ չորս դարերից երեք դարագլուխը հասարակ տարի լինի, իսկ չորրորդը միայն նահանջ համարուի. օրինակ 1700, 1800 և 1900 հասարակ, իսկ 2000-ը նահանջ: Սորա հետևանքը այն կը լինի, որ 400 տարուայ վերայ փոխանակ 100 նահանջ օր աւելանալու՝ միայն 97 օր կաւելանայ և տոմարի ընթացքը գրեթէ կը հաւասարուի երկրիս ընթացքին:

Պէտք է նկատենք այստեղ, որ այս հաշիւն էլ այնքան ճիշտ չէ, որովհետև տարիին օրերով ամենաճիշտ կերպով չէ չափուում: Աւելի ճիշտ հաշիւ կազմել է Սէդլէր աստղագէտը. նա առաջարկում է որ 128 Յուլեան տարիներից մի նահանջ տարին հաշուենք հասարակ, այն է 365 օր, դորանով 128 տարուամ 31 նահանջ կը լինի և 97 հասարակ, հետևապէս մի տարին կունենայ 365,24218 օր. այս կերպ սխալը կը լինի 0,00002, այսինքն՝ մի միայն 50,000 տարուամը մի օր:

Գրիգորեան տոմարը ընդունեցին Եւրոպական տէրութիւններ, իսկ հայերն ու յունադաւան տէրութիւնները չընդունեցին:

2.

Հ Ա Յ Կ Ա Կ Ա Ն Տ Ո Մ Ա Ր .

Ա. Հայկայ թուական.

Տոմարի ուսումը Հայոց մէջ շատ հին է, բայց մեր պատմութիւնը որոշ չէ աւանդում, թէ երբ է նա սկսուած. մեր պատմագիրները և տոմարագիրները ասում են, որ Հայոց թուականը սկիզբն է առել մեր Հայկ նահապետից, մեզանից 4386 տարի առաջ հայոց Նաւասարդ ամսի 1-ին, կամ հռովմայեցոց Օգոստոսի 11-ին. այսինքն այն օրից, երբ հայոց նահապետ Հայկը Բէլին սպանելով՝ հրամայեց հայերին, որ այդ օրը տարեգլուխ համարուի և ամեն տարի հայերի այդ անկախութեան տարեդարձը տօնուի: Այս թուականը կոչուեցաւ քաղաքական տարի, Հայկայ թուական կամ Հայկայ շրջան:

Հայկայ թուականի տարին ունէր 12 ամիս 30-ական օրով, որոնք կազմում էին 360 օր. այս թիւը 365 օրուան հաւասարեցնելու համար, ինչպէս երևում է, յետոյ աւելացրել են նաև մի նոր ամիս՝ Աւելեաց անունով, որ ունէր 5 օր. այդպիսով Հայկայ թուականի

տարին 365 օր ունէր, այսինքն իսկական տարուց մօտ 6 ժամ պակաս. և այդ պատճառով այդ տարին միշտ շարժական էր, որովհետև տարին 6 ժամ յետ մնալով բնական ընթացքից, չորս տարում մի օր յետ էր մնում իսկական տարուց և մի որևիցէ տօն ամեն տարի միևնոյն օրը չէր գալիս, քանի որ այդ 6 ժամերը հաւաքուելով, մի ժամանակ կարող էր պատահել, որ Նաւասարդը գար գարունքին կամ մի ուրիշ ժամանակ: Ահա այդ պատճառով ենթադրուում է, որ հայերը իրանց կրօնական հանդէսները որոշեալ օրերին կատարելու համար ունէին նաև հաստատուն և անշարժ տարի, որ Սրբազան էր կոչուում և որ սկսուում էր Արեգ (Մարտ) ամսից—գարնանամտից:

Հայկայ շրջան: Ուրեմն հայերն երկու տարեգլուխ ունէին, որոնց մէկի շարժականութեան և միւսի անշարժ լինելու պատճառով այլ և այլ ժամանակ պատահելով պէտք է լինէր մի միջոց, երբ դռքա երկուսն էլ իրարու հանդիպէին: Այդ երկու տարեգլուխների իրար հանդիպելու համար հարկաւոր էր 1460 տարուայ շրջան, որովհետև տարուայ աւելորդ 6 ժամերը տարի են գոյացնում 1460 տարում. —

$$\begin{array}{r} 1460 \\ \times 6 \\ \hline 8760 \quad : 24 \\ \hline 365 \end{array}$$

Չորս տարին մի անգամ նահանջ չ'անելով՝ ամիսների օրերն առաջ են անցնում և արեգակնային կէտերին չեն համաձայնում, այնպէս որ այդ կէտերը 1460 տարուայ ընթացքում Հայոց տարուայ ամիսների իւրաքանչիւր օրը կարգով հանդիպում են. և ուրեմն իւրաքանչիւր 1460 տարին մի անգամ կարող է հանդիպել մի որոշ կէտին:

Որովհետև Հայկայ թուականը սկիզբն է առել Քրիստոսից 2492 տարի առաջ, ուստի առաջին հանդիպումը եղած է 1460 տարի յետոյ, այն է  $2492 - 1460 = 1032$  թուին նախքան Քրիստոս Հայկազանց Պերճ երկրորդի ազգապետութեան և Դաւիթ մարգարէի թագաւորութեան օրերում: Երկրորդ հանդիպումը եղաւ Քրիստոսի 428 թուին, այն տարին, երբ Հայերը Արշակունի Արտաշէս թագաւորից զրկուեցան և Հայաստանը Յունաց և Պարսից մէջ բաժանուեցաւ: Երրորդ զուգահեռութիւնը տեղի ունեցաւ 1888 թուի Օգոստոսի 11-ին հինգշաբթի օրը: Իսկ չորրորդ

Հանդիպումը կը լինի Հայկայ 5840 և Փըրկչական 3348 թուին:

Հայերը ունէին նաև հետևեալ թուականները.

Բ. Հայոց լուսաւորութեան թուական.

Երբ ս. Գրիգոր Լուսաւորիչը Հայաստանը լուսաւորեց քրիստոնէական լուսով՝ Հայերը գորա լիշատակը յաւերժացնելու համար՝ այդ օրից (1590 տարի առաջ) սկսան թուական գործածել, սակայն այդ թուականը միայն գրչագիրների մէջ գործածուեցաւ և այն՝ շատ կարճ ժամանակ:

Գ. Հին տոմար կամ տոմարական թուական.

Հայերը Լուսաւորչից յետոյ սկսեցին Անդրէաս Բիւզանդացու դրած 200 ամեայ շրջանը գործածել, որի լրանալուց յետոյ Չատկի օտնը խախտուեցաւ և այդ առթիւ ազգի մէջ զփոթութիւն ծագեցաւ. ուստի Քրիստոսի 551 թուին Եղիւարդեցի Մովսէս երկրորդ կաթողիկոսը ժողով կազմելով Դուին քաղաքում՝ կարգաւորեց մեր տոմարը և նոր թուական սահմանեց, որ կոչուեցաւ «Հայոց մեծ թուա-

կան, և որ մինչև այժմ գործ է ածուում ազգի մէջ. դա սկսուում է Քրիստոսի 552 թուի Օգոստոսի 11-ից, որ օրը Հայոց առաջին ամսի, այն է Նաւասարդի առաջին օրը դրուեցաւ: Մեծ թուականը նոյնքան ամիսներ և օրեր ունէր, որքան և Հայկայ հին թուականը:

Դ. Սարկաւազառիւր կարգ.

Եկեղեցական տօները կանոնաւոր տօնելու համար՝ այդ տարիներից ոչ մէկն էլ յարմար չէր, որովհետև այդ տարիների հաշուով միևնոյն տօնը ամեն տարի միևնոյն օրը չէր գալիս, այլ զանազան օրեր, այդ պատճառով էլ հարկաւոր էր մի *անշարժ* տարի ունենալ, որ և ունեցանք Յովհաննէս Սարկաւազ կոչուած գիտնական վարդապետի աշխատութեամբ: Նա 1116 թուին մեր տոմարը վերանորոգեց և նոր թուական սահմանեց, որ կոչուեցաւ Փոքր կամ Սարկաւազառիւր և կամ Յայսմաւուրաց: Յովհաննէսը կարգադրեց, որ ամեն տարի աւելացող մօտ 6 ժամերից չորս տարուան ընթացքում գոյացած 1 օրը աւելացուի Աւելեաց ամսի 5 օրերին, և այդպիսով Յուլեան տոմարի նման Հայոց տարին ևս չորս տարին մի անգամ նահանջ լինի: Այդպէս էլ

դասաւորեց նա եկեղեցական բոլոր տօները Յայսմաւուրքի մէջ, որոնք անշարժ տօնուում էին ամեն տարի:

Ե. Փոքր կամ Ազարիայի թուական.

Ջուղայեցի Ազարիա անուանով մի վարդապետ Դուիթ և Մելքիսեդեկ կաթողիկոսներին հրամանով Քրիստոսի 1615 թուին մի նոր թուական սահմանեց Յուլեան տոմարի հաշուով, որի հետ ունեցած միակ տարբերութիւնը այն է, որ նոր տարեգլուխ նշանակեց մարտի 21-ից և ամիսներին նոր անուններ տուեց: Ազարիայի թուականը լմիայն Ջուղայեցի հայերը գործածեցին իբրև Հայաստանից գաղթելու լիշատակ:

Չանագան ժամանակներում մեր տոմարը նորոգեցին, առանց սակայն նոր թուական սահմանելու՝ նաև հետևեալ անձինք. —

1. 594 թուին Սբրահամ առաջին կաթողիկոսը ընդունեց Աղէքսանդրացի Էասաստղաբաշխի 532 տարուան շրջանը:

Եւ 2. 1774 թուին Աիմէոն կաթողիկոսը վերջնականապէս նորոգեց մեր տոմարը և

տօնացոյցը, որով անսխալ տօնում ենք մեր եկեղեցական տօները մինչև այժմ:

Զ. Փրկչական թուական.

Հայերի ներկայ գործածական թուականն է Փրկչական թուականը: Մօտ հինգ դար շարունակ քրիստոնեաները չունէին առանձին թուական. այդ թուականը Սկիւթացի կրօնաւոր Դիոնեսիոս կրտսերը առաջարկեց Փրկչական 532 թուին. Դիոնեսիոսը ենթադրում էր որ Յիսուսը ծնուել է Հոովմի հիմնարկութիւնից 753 տարի յետոյ. ուստի հետևեալ 754 տարին նա համարում էր Փրկչական թուականի առաջին տարին: Սխալ էր Դիոնեսիոսի հաշիւը և մինչև այժմ շարունակում ենք նորա սխալը:

Որովհետև Քրիստոսի ծնունդը պատահեց Փրկչական հասարակ թուականի սկզբնաւորութիւնից 4 տարի առաջ, վասնորոյ աւելի ընդհանուր կարծիք է Աւետարանի «ի հնգետասաներորդի ամի Տիբերեայ կայսեր»-ը սկսել Հոովմի 764 թուից, որով Քրիստոսի մահը 783-ին է ընկնում, իսկ ծնունդը 750 թուականի Յունուարի 6-ին. և այս է ահա Փրկչական թուականի սկիզբը, այն ինչ Դիո-

նեսիոսի հաշուով Գրիստոսի ծնունդը գալիս է Գրիստոսի թուականից 4 տարի առաջ:

Է.

Շ Ր Զ Ա Ն.

Շրջանը տարիների, ամիսների և օրերի միատեսակ պտոյտն է, որ լրանալուց լետոյ՝ նոյն պտոյտը միևնոյն կարգով նորից է սկըսում և այդպէս շարունակուում:

Մենք արդէն տեսանք, որ արեգակի և երկնային ուրիշ մարմինների շարժման երեւոյթները ճիշտ չեն չափուում, այնպէս որ մանրր հաշիւներ չմնան վայրկեանների մանրերկրորդների, այդ պատճառով էլ հնարուած են այլ և այլ շրջաններ, որ մնացած մանր կրտորները այդ շրջանների ընթացքում մի մի ամբողջ կազմեն՝ օր կամ տարի, և այդպէս հաշիւների ճշտութիւն պահպանուի երկնային մարմինների շարժման մէջ:

Գլխաւոր շրջանները սոքա են. — Ա. լուսնի կամ Մեթոնեան շրջան և Բ. արեւի շրջան:

Ա. Լուսնի շրջան — իննեւտասներեակ — ոսկեթիւ.

Թէպէտև արեգակնային տարու հետ լուսնական տարին հաւասարեցնելու համար նահանջ տարի հաստատուեցաւ, բայց երկար ժամանակ անցնելուց լետոյ այդ հաւասարութիւնը դարձեալ կատարեալ չեղաւ: Գորա համար Գրիստոսից 430 տարի առաջ Մեթոն Աթենացի աստղագէտը գտաւ, որ եթէ արեգակը և լուսինը միևնոյն վայրկենին և միևնոյն կէտից սկսեն իրանց շրջանն անել, 19 տարուց լետ միևնոյն ժամանակ երկուսն էլ կհասնեն միևնոյն տեղը: Այդ բանը հետեւեալ կերպով է բացատրուում.

Լուսնական ամիսը 29,53 օր ունի. 12 այդպիսի ամիս կամ մի լուսնական տարի կունենայ

$$12 \times 29,53 = 354, 36 \text{ օր}$$

այսինքն լուսնական տարին համարեա՛ 11 օր կարճ է Յուլեան տարուց (որ 365,25 օր է):

Եթէ լուսնական ամիսը կրկնենք 235 անգամ, իսկ Յուլեան տարին 19 անգամ, գրեթէ միևնոյն թուերը կըստանանք (6939,55 և 6939,75, ուրեմն 19 տարուայ մէջ արեւի և լուսնի շրջանների տարբերութիւնը է 1 ժ.

26 ր. 24 մ.). սորանից հետևում է, որ 19 Յուլյան տարիները հաւասար են 235 լուսնական ամիսներին, կամ, այսպէս ասենք, 19 տարում լուսինը 235 ամսական շրջան է կատարում. այս պատճառով 19 տարի անցնելուց յետոյ լուսնի երևոյթը անդրադառնում է նոյն կարգով, ինչպիսի ընթացք որ ունէր նախընթաց 19 տարուայ ընթացքում:

Այդ շրջանի սկիզբը այն տարեթիւն է, երբ Յունուարի 1-ին լուսնի ծնունդն է լինում: Փրկչի ծննդեան տարին լուսնի շրջանի վերջին տարին էր, այսինքն մի տարի էր մընում լրանալուն. այս 19 տարուան շրջանը կոչւում է լուսնի շրջան, իսկ այն թուերը, որոնք ցոյց են տալիս այդ շրջանի տարիները՝ կոչւում են *իննետասներեակ*:

Այդ շրջանը կոչւում է նաև Մեթոնեան, Մեթոնի անունով: Աթենացիները զարմանալով Մեթոնի այդ գիւտի վերայ՝ քաղաքի հրապարակում մարմարիոնի կոթող կանգնեցրին և ոսկէ տառերով սկսեցին գրել նորա վերայ իւրաքանչիւր տարուայ իննետասներեակը. վասնորոյ դա ասուեցաւ նաև *ոսկեգիր*:

*իննետասներեակը գտնելու կանոն.*

Իննետասներեակ գտնելու ամենապարզ կանոնը այս է. — Աշխարհիս ստեղծման թուականը բաժանել 19-ի վերայ. քանորդը ցոյց կըտայ թէ աշխարհիս ստեղծմանից մինչև այժմ քանի լուսնի շրջան է անցել, իսկ մնացորդը թէ տուած թուականը վերջին շրջանի քանիերորդ տարին է:

Իննետասներեակ գտնել կարելի է և այսպէս. — Տուած թուականից հանել 1. (Փրկչի թուի, ինչպէս և Հայոց թուականի առաջին տարիները իննետասներեակի շրջանի 19-րդ տարին էր) և բաժանել 19-ի վերայ. քանորդը ցոյց կըտայ թէ Քրիստոսի ծննդից մինչև տուած թուականը քանի լուսնի շրջան է անցել, իսկ մնացորդը, թէ տուած թուականը քանիերորդ տարին է լուսնի վերջին շրջանի:

*Բ. Արեւի շրջան.*

Արեւի շրջանը 28 տարուան միջոց է. կիրակիները և շաբաթուայ օրերը տոմարագիտութեան մէջ ինչ գրերով որ նշանակուում են 28 տարի առաջ, նոյն գրերով էլ նշանակուում են այդ 28 տարին վերջանալուց յետոյ:

Վ Ե Ր Ա Ղ Ի Ր.

Տասնևինն տարուայ հաշիւը բաւական ճիշտ կերպով ցոյց էր տալիս լուսնի ծննդի և լրման ժամանակները. բայց մենք գիտենք, որ արևի ու լուսնի շրջանները դարձեալ մօտ  $1\frac{1}{2}$  ժամի չափ տարբերութիւն ունէին (իսկապէս 1 ժ. 26 ր. 24 մ.), որոնք երկար տարիների ընթացքում օրեր ու ամիսներ էին դառնում և այդպիսով նոր շփոթութիւն առաջ բերում տոմարական հաշիւների մէջ. ուստի իննևտասներեակի այդ սխալն ուղղելու համար վերադիւրների շրջանը հնարուեցաւ:

Ինչպէս վերը տեսանք, արեգակնային տարին ունի մօտ 365 օր 6 ժամ և լուսնական տարին՝ մօտ 354 օր և 8 ժամ. այս երկու տարիների տարբերութիւնը կոչւում է վերադիւր, որ ցոյց է տալիս արեգակնային տարուայ լուսնական տարուց աւելի օրերի թիւը, որ աւելացնելով լուսնական տարու վերայ հաւասարեցնում ենք արեգակնային տարուն:

Այդ զանազանութիւնը մօտ 11 օր է, չնչին բան պակաս, ուստի 11 թիւը լուսնական շրջանի առաջին տարուայ վերադիւրն է:

Լուսնական տարին ամեն տարի յետ մընալով արեգակնային տարուց 11 օր, 19 տարում յետ կը մնայ  $19 \times 11 = 209$  օր կամ եօթըն ամսից մի օր պակաս: Այս պակաս օրերը վերադիւրներով հետզհետէ այսպէս ենք աւելացնում լուսնական տարուն.

Իւրաքանչիւր տարուայ 11 օրերը հետըհետէ աւելացնելով միմեանց վերայ՝ երեք տարում դոյացնում են 30-ից աւելի օրեր, որոնցից 30 օրը հանելով աւելացնում ենք լուսնական տարուն, իսկ մնացածը թողնում ենք վերադիւր հետևեալ տարուայ համար. այդպէս շարունակում ենք, մինչև որ պակասորդ 209 օրը 19 տարուայ ընթացքում կ'միաւորուի լուսնական տարուն. բայց որովհետև այդպիսով 19 տարում ոչ թէ 209 օր կը կազմէ, այլ 208 օր, վասնորոյ հաշիւների ճշտութեան համար՝ մի տեղ փոխանակ 11 օր աւելացնելով՝ մենք աւելացնում ենք 12 օր, և այդ ընդունուած է ներքոյ դրուած աղիւսակի 19-ը տարում, ուր 9 թուին աւելացնելով փոխանակ 11-ի 12՝ ստացել ենք վերադիւր 21, փոխանակ 20-ի:

Երբ յայտնի է վերադիւրի առաջին թիւը, հեշտութեամբ կարելի է կազմել վերադիւրների կարգը. գիտենալով որ ամեն տարի 11 օր ա-

ւելացնելով լուսնական տարու վերայ՝ հաւասարուում է արեգակնային տարուն՝ այսպէս ենք որոշում վերագիրները.—

Առաջին տարուայ վերագիրն է 11, երկրորդինը 22, երրորդինը 33, որից 30 հանելով՝ մնում է 3 (որովհետև 33 օրից 30 օրը մի լուսնական ամիս լինելով աւելացրինք նախընթաց տարուն, այսինքն 12 ամսի փոխարէն 13 հաշուեցինք և մնացեալ 3-ը մնաց հետևեալ տարուայ վերագիրը). միևնոյն հաշուով՝ չորրորդինը՝ 14, V—25, VI—6, VII—17, VIII—28, IX—9, X—21, XI—2, XII—13, XIII—24, XIV—5, XV—16, XVI—27, XVII—8, XVIII—19, XIX—30:

Յուլեան տոմարով, որը գործ ենք դնում նաև մենք, վերագիրների աղիւսակի սկիզբընդունուած է 2—ը:

Վերոյիշեալներից պարզ երևում է այն կապը, որ կայ վերագրի և իննևտասներեակի մէջ և թէ այս երկու տարրից մէկը կարող է ծառայել միւսի գտնելուն:

Վերադիրների աղիւսակ.

բ	ժգ	իդ	ե	ժգ	իէ	ը	ժթ	լ	ժա
իբ	գ	ժդ	իե	զ	ժէ	իը	թ	իա	×

Իննևտասներեակ գտնելու ձևը գիտենք. եթէ հարկաւոր լինի իմանալ, թէ որ և իցէ տարուայ վերագիրը որն է, իննևտասներեակի թիւը գտնելով՝ նոյն թուով խորանում գտնուած տառը կը լինի միևնոյն տարուայ վերագիրը, հաշուելով աղիւսակի սկզբից:

Ը.

Ե Օ Թ Ն Ե Ր Ե Ա Կ.

Զատիկ և նորա հետ կապ ունեցող այլ ամենայն տօները և միջոց ուտիքները գրտնելու համար ամենից առաջ պէտք է գիտենալ թէ տարուայ առաջին օրն ինչ օր է. դորա համար գործ ենք դնում այբբենի առաջին եօթն տառերը, որոնցից ամեն մէկը շաբաթուայ համապատասխան օրեր են նշանակում և կոչում են եօթներեակ: Այդ եօթը տառերից ամեն մէկը մէկ տարուայ ա-

առջին օրն է: Եւ որովհետեւ եօթներեակները ցոյց են տալիս նաև տարուայ մէջ եղած կիրակիները՝ այս պատճառով եօթներեակը կ'ոչ-լուծ է նաև՝ կիրակւսգիր:

Եօթներեակները 28 տարուան շրջան ունին. և դորա պատճառն այս է. եթէ նահանջ տարի ամենևին չը լինէր, այն ժամանակ եօթներեակները մէկ ծայրից սկսելով եօթն տարուա՛ բոլոր եօթն տառերն էլ գործ կ'ածուէին և ութերորդ տարին նորից առաջինին կը դառնայինք, հետեւապէս եօթներեակը կ'ունենար 7 տարուան շրջան. բայց որովհետեւ երեք հասարակ տարուց յետոյ միշտ չորրորդը նահանջ է լինում, այն է մի օր աւելի, և ուրեմն՝ եթէ նահանջ տարին տարեգլուխը դիցուք երկուշաբթի է, հետեւեալ տարին երեքշաբթի չի կարող լինել, այլ միայն մի օր ուշ—չորեքշաբթի, այդ պատճառով էլ եօթներեակները հասարակ տարին մի տառ, իսկ նահանջ տարին երկու տառ ունենալով, կարգով շարունակուում են և աւարտուում ոչ թէ 7 տարում, այլ միայն՝ 28 տարուայ ընթացքում: Այս շրջանը արևի շրջան է անուանուում, թէև ոչինչ վերաբերութիւն չունի արևի հետ:

Եօթներեակների համակարգութիւնը: Եօթներեակները հեշտ գտնելու համար 28 տարուան շրջանով մի աղիւսակ ունինք, որի կազմութիւնը շատ հասարակ է. չորս կարգ եօթնական խորանից բաղկացած մի ցանցի սկզբից գրում ենք *ա. ը. գ. դ. ե. զ. է.* եօթներեակները սկզբից, միայն վերոյիշեալ կանոնը պահելով, երեք խորանում երեք տառ, չորրորդում երկու յաջորդ գրերը և այդպէս շարունակ մինչև վերջ: Այդպիսով կը ստանանք այս աղիւսակը.

1	2	3	4	5	6	7
ա	բ	գ	դե	զ	է	ա
8	9	10	11	12	13	14
բգ	դ	ե	զ	էա	բ	գ
15	16	17	18	19	20	21
դ	եզ	է	ա	բ	գդ	ե
22	23	24	25	26	27	28
զ	է	աբ	գ	դ	ե	զէ

Եօթներեակը գտնելու պարզ ձեւը այս է.

Փրկչական թուականի համար: Որովհետեւ Փրկչական առաջին թուականը արևի շրջանի հինգերորդ տարին է, վասնորոյ 28 տարուայ շրջանն ամբողջացնելու համար նախընթաց 4 տարին աւելացնում ենք այն թու-

ականի վերայ, որի եօթներեակը ուզում ենք գտնել և բաժանում 28-ի վերայ. մնացորդ թուի համապատասխան խորանում գտնուած տառը է նոյն թուի եօթներեակը: Եթէ մի տառ է՝ հասարակ տարի է, իսկ եթէ երկու տառ է՝ նահանջ, որոնցից առաջին տառը գործ է ածուում Յուշուար և Փետրուար ամիսներում, իսկ երկրորդը Մարտի մէկից մինչև տարուայ վերջը:

Հայոց տոմարական թուականի համար: Որովհետև տոմարական թուականի առաջին տարին արևի շրջանի 24-դ տարին էր, ուրեմն 5 տարի պակաս էր շրջանի ամբողջացման, ուստի 5 տարին հանում ենք Հայոց այն թուականից, որի եօթներեակը կամենում ենք գտնել, որպէս զի մի շրջան ամբողջացուի և միևսի սկզբին հասնենք և այդ թիւը 28-ի վերայ ենք բաժանում. մնացորդ թուի համապատասխան խորանի տառը՝ նոյն թուականի եօթներեակն է:

Մէկ ամսի՝ չորս եօթներեակից կամ շաբաթից աւելի ունեցած օրերը կոչուում են միևս ամսուայ կրկնակ: Կրկնակի հաշիւը սկսում է տարուայ առաջին ամսից, Փրկչի թուակահի համար՝ Յուշուարից, իսկ Հայոց թուակահինը՝ Նաւասարդից:

Այսպէս՝ Յուշուարը 31 օր ունի, 4 եօթներեակը կամ 28 օրը հանած մնում է 3 օր. 3-ը Փետրուարի կրկնակն է. այս 3-ը աւելացնում ենք Փետրուարի օրերին (28, նահանջ տարին 29 օրին) և եօթներեակներ կազմում, մնացորդը Մարտի կրկնակն է. և այսպէս շաբունակում ենք մինչև տարուայ վերջը. նոյնպէս ենք կազմում և՛ Հայոց ամիսների կրկնակը:

Կրկնակ գտնելու ամենապարզ ձևը սա է. — որ ամսի կրկնակը որ ուզում ենք գրտնել՝ պէտք է Յուշուարի 1-ից մինչև այն ամսի 1-ը օրերը գումարենք և 7-ի բաժանենք, մնացորդը նոյն ամսուայ կրկնակն է:

Կրկնակով գտնուում է ամսամուտը, և առհասարակ ամսի այլ և այլ օրերը:

Ամսամուտ: Մենք գիտենք, որ եօթներեակը ցոյց է տալիս թէ տարուայ առաջին օրը ինչ օր է. ամսամուտը գտնելու համար վերցնում ենք տուած տարուայ եօթներեակը, աւելացնում ենք այն ամսի կրկնակը, որի ամսամուտը ուզում ենք գտնել և նոյն ամսի առաջին օրը—1 թիւը, եօթներեակներ դարձնելով՝ մնացորդը լինում է ամսամուտ, այն է՝ 1-ը կիրակի, 2—երկուշաբթի, 3—երեքշաբթի, 4—չորեքշաբթի, 5—հինգշաբթի, 6 ուրբաթ, և 7—շաբաթ:

Օ ը ի ն ա կ.

Գտնել թէ ինչ օր է 1895 թ. մարտի 1-ը.

եօթներեակը	7
կրկնակը	3
ամսի առաջին օրը	1
	11
	— 7

մարտի 1-ը չորեքշաբթի է՝ 4

Ամսի որևիցէ օրը գտնել: Միևնոյն կանոնով գտնուում է նաև ամսի մէջ ցանկացած օրը, միայն այն ժամանակ եօթներեակի և կրկնակի վերայ աւելացնում ենք ոչ թէ 1,

այլ այնքան թիւ, որքան օր անցել է ամսի 1-ից մինչև նոյն ամսի ցանկացած օրը:

Գտնել 1895 թ. մարտի 19-ը ինչ օր է.

եօթներեակ	7
կրկնակ	3
ամսի օրերը	19
	29   7
	28   4

մարտի 19 կիրակի է 1

ժ.

ՎԵՐԱԴՐԻ ԳՈՐԾԱԾՈՒԹԻՒՆԸ.

Ս. Լուսնի ծնունդը գտնել: Լուսնի ծնունդը գտնելու ամենահեշտ ձևը սա է.— պէտք է վերցնել տարուան վերադիւրը, աւելացնել վերան այնքան թիւ, ինչքան ամիս որ Յունուարից անցած է (նախընթաց ամիսների թիւը) և այդ բոլորը հանել 30-ից և կամ եթէ դորանից աւելի է, 60-ից. որքան մնաց՝ ամսի այնքանին լուսնի ծնունդ է:

Գտնել 1895 թ. մարտի լուսնի-ծնունդը.

վերադիր	14
անցած ամիսների թիւը	2
	<hr/>
	16

30  
— 16

մարտի 14-ին լուս. ծնունդ է:

Բ. Լուսնի լրումը: Լուսնի լրումը գըւ-  
նելու համար պէտք է տարուայ վերադիր  
վերայ աւելացնել անցած ամիսների թիւը և  
հանել 43-ից, <sup>1)</sup> մնացորդ թիւը ցոյց է տա-  
լիս թէ տուած ամսի այդ օրն է լուսնի լրումը:

Գտնել 1895 թ. ապրիլի լուսնի լրումը:

վերադիր	14
անցած ամիսների թիւը	3
	<hr/>
	17

43  
— 17

ապրիլի 26-ին լրումն է լուսնի:

1) 43 կոչուած է հանապազօրդական թիւ, որը  
հիմնուած է փորձերի վերայ:

Գ. Լուսնի այլ եւ այլ օրերը գտնել:  
Տուած ամսի օրերին աւելացնենք տարուայ  
վերադիրը և նախընթաց ամիսների թիւը.  
ստացած թիւը ցոյց է տալիս, որ մեր ցան-  
կացած օրը լուսնի այդքանն է. եթէ ստա-  
ցած գումարը 30-ից աւելի է՝ 30-ը հանելով՝  
մնացորդն է լուսնացոյց օրը:

Գտնել 1895 թ. մայիսի 5-ին լուսնի քանիսն է.

տուած ամսի օրերը	5
վերադիրը	14
անցած ամիսների թիւը	4
	<hr/>

մայիսի 5-ին լուսնի 23 է:



## Ե Ր Կ Ր Ո Ր Դ Մ Ա Ս Ն

ՏՕՆԵՑՈՅՑ ՀԱՅԸՍՏԱԸՆԵԸՅՑ Ս. ԵԿԵՂԵՑԻՈՅ

ԺԱ.

Զ Ա Տ Կ Ի Տ Օ Ն Ը.

Ա. *Զատիկը.*

Բոլոր շարժական տօները կախումն ունին սուրբ Զատիկի տօնից, իսկ Զատիկի տօնը Զատիկական լուսնից:

Յիսուս Քրիստոսի յարութիւնը պատահեցաւ Հրէից պասեքի տօնին, որ էր նոցա Նիսան ամսի 14-ը լուսնի լրման ժամանակ. իսկ Փրկչի խաչելութիւնը պատահեցաւ զարնան գեղերահաւասարին, այն է Մարտ ամսի 21-ին: Ուստի ոմանք քրիստոնեաներ Զատիկի տօնի կատարման ժամանակը շփոթում էին Հրէից Պասեքի տօնի հետ, այն է փոխանակ Պասեքի մերձակալ կիւրակի օրը կատարելու ուղղակի Հրէից Պասեքի տօնի հետ միասին տօնում էին նաև Փրկչի յարութիւնը:

Այս էր պատճառը, որ Նիկիոյ սուրբ ժողովը զբաղեցաւ Զատիկի տօնի կատարման հարցով և սահմանեց, որ բոլոր քրիստոնեաները Զատիկի տօնը անխտիր Հրէից Պասեքի տօնի հետ չը տօնեն և դորա համար հետեւեալ կանոնը սահմանեց. —

Ա. Զատիկի տօնը կատարել գարնան գիշերահաւասարից, կամ մարտի լուսնի լրումից յետոյ՝ անմիջապէս պատահող կիւրակի օրը:

Բ. Եթէ որ մարտի լուսնի լրումը մարտի 21-ից առաջ պատահի, Զատիկը պէտք է տօնել ապրիլի լուսնի լրումից յետոյ պատահող առաջին կիւրակի օրը:

Բ. Զատիկական լուսինը եւ Զատիկի տօնի սահմանը:

Որովհետեւ, ինչպէս ասացինք, Յիսուսի յարութիւնը պատահեցաւ գարնան գիշերահաւասարից, այսինքն մարտի 21-ից յետոյ պատահող լուսնի լրմանը (որ կոչուում է լուսնի աւագ լրումը) կիւրակի օրը՝ այդ պատճառով Զատիկական լուսնի ծնունդը չի կարող մարտի 8-ից առաջ պատահել, որովհետեւ մարտի 8-ին ծնած լուսինը լրանում է մարտի 21-ին, իսկ եթէ առաջ լինի ծնուած՝ լրումը

կը պատահի մարտի 21-ից կամ գարնան գիշերահաւասարից առաջ, երբ Նիկիոյ ժողովի որոշման համաձայն, անկարելի է Զատիկի տօն կատարել:

Այդպէս էլ Զատիկական լուսնի ծնունդը ապրիլի 5-ից յետոյ չի կարող պատահել հետեւեալ պատճառով. — մարտի 7-ին ծնած լուսինը լրանում է 20-ին. ուրեմն այդ լուսնին Զատիկի տօն չի կատարուի համաձայն Նիկիոյ ժողովի որոշման. այդ լուսինը վերջանում է ապրիլի 4-ին. 5-ին նոր լուսին կը ծնուի, 18-ին կը լրանայ և այդ օրից ամենաշատը 7 օր յետոյ, ուրեմն ապրիլի 25-ին կը տօնուի Զատիկը:

Ուրեմն Զատիկական լուսնի ծննդեան շրջանը ձգուում է մարտի 8-ից մինչեւ ապրիլի 5-ը. աւագ լրումը տեղի ունի մարտի 21-ից մինչեւ ապրիլի 18-ը. իսկ Զատիկի տօնը կատարուում է մարտի 22-ից մինչեւ ապրիլի 25-ը 35 օրուան շրջանում պատահած կիւրակներից մէկում, երբէք ոչ առաջ և ոչ էլ յետոյ:

ՃԲ.

Տ Ա Ր Ե Գ Ի Ր .

Զատիկը հեշտութեամբ գտնելու համար ամեն մէկ տարուայ համար մի գիր է որոշուած, որ կոչուում է զիր տարւոյն կամ տարեգիր. դա մի չափ է շարժական տօների, որոնք շարժուում են Զատիկի տօնի համեմատ:

Ասացինք, թէ Զատիկի տօնը կատարուում է մարտի 22-ից մինչև ապրիլի 25 պարունակուող 35 օրերից մէկուում, ահա այդ 35 օրերի թուով որոշուած են Հայկական այբուբենի 35 տառերը, որոնք ցոյց են տալիս, թէ Զատիկը քանի օր հեռու է գարնան գիշերահաւասարից, կամ մարտի 21-ից:

Այստեղ գրած աղիւսակը ներկայացնում է տարեգիրների կարգը՝ զուգընթաց Զատիկի տօնի կատարման օրերի հետ. —

1. ա	մարտի	22	8. ը	մարտի	29
2. ը	»	23	9. թ	»	30
3. գ	»	24	10. ժ	»	31
4. դ	»	25	11. ի	ապրիլի	1
5. ե	»	26	12. լ	»	2
6. զ	»	27	13. խ	»	3
7. է	»	28	14. ծ	»	4

15. կ	ապրիլի	5	26. պ	ապրիլի	16
16. հ	»	6	27. ղ	»	17
17. ճ	»	7	28. ո	»	18
18. ղ	»	8	29. ս	»	19
19. ճ	»	9	30. վ	»	20
20. ժ	»	10	31. տ	»	21
21. յ	»	11	32. ը	»	22
22. ն	»	12	33. ց	»	23
23. շ	»	13	34. լ	»	24
24. ո	»	14	35. ի	»	25
25. չ	»	15	36. ք		

ՃԳ.

Տ Ա Ր Ե Գ Ի Ո Վ, Զ Ա Տ Ի Կ Ը Գ Տ Ն Ե Լ .

Եթէ ուզում ենք իմանալ, թէ որ և է տարի Մարտի կամ Ապրիլի քանիսին է գալիս Զատիկը՝ նոյն տարուայ տարեգրի թիւը աւելացնում ենք գարնան գիշերահաւասարի— Մարտի 21-ի ի վերայ և ուր դադարի՝ անպայման Զատիկ է այն օրը:

Հասարակ տարիների համար գործ է ածուում մի տառ, իսկ նահանջ տարիների համար 2 տառ, որոնցից մէկը գործ է ածուում

Յունուարի մէկից մինչև Փետրուարի վերջը, իսկ միւսը Մարտի մէկից մինչև տարեվերջ: Նահանջ տարուայ տարեգիրները զրւում են յետ ու առաջ. այսինքն առաջ յաջորդ տառը, յետոյ նախորդը, որովհետև յաջորդը, որ Յունուար ու Փետրուար ամիսներումն է գործ զրւում, մի թուով աւելի է նախորդից. այդ հաշուով վերջին Ք. տառը, որ միշտ Փ—ի հետ է գործ զրւում նահանջ տարիներին, զրւում է նախագաս և գործ է զրւում միայն Յունուար ու Փետրուար ամիսներին:

ՃԴ.

ՏԼՐԵԳԻՐ ԳՏՆԵԼՈՒ ԿԼՆՈՒՆ.

Արդէն գիտենք, որ տարեգիրը ցոյց է տալիս, թէ Զատիկը քանի օր հեռու է մարտի 21-ից, ուրեմն եթէ Զատիկը գտնենք՝ նորանով անմիջապէս կը գտնենք տարեգիրը:

Իայց այդ ղէպքում Զատիկի տօնը ոչ թէ տարեգրով պէտք է գտնենք, քանի որ տարեգիրն անյայտ է, այլ եօթներեակով և վերադրով: Իսկ Զատիկի տօնը գտնելու համար նախ և առաջ պէտք է գտնել *Զատկական լուսնի լրումը* կամ *աւագ լրումը*, վասնզի,

ինչպէս մենք գիտենք, Զատիկի տօնը անմիջապէս կապ ունի Զատկական լուսնի լրման հետ:

Լուսնի աւագ լրումը գտնելու համար շատ ձևեր կան, սակայն նոցանից կարճը սա է. —

Ընդունուած է մի թիւ՝ 45. այդ թիւը կոչուում է *հանապազորդական թիւ*. Գորանից հանում ենք տուած տարուայ վերադիրը՝ մնացածը հաշուում ենք Մարտի մէկից, ուր վերջանայ՝ այն օրը լուսնի աւագ կամ Զատկական լրումն է ցանկացած տարուայ, իսկ յաջորդ կիւրակի Զատիկի տօնն է:

Եթէ վերադիրը 46 թուից հանելով՝ մնացորդը 21-ից պակաս է մնում, այդ ղէպքում Մարտի վերջին օրուանից պէտք է հաշուել, և ուր գազարի՝ այն օրն է լուսնի աւագ լրումը, իսկ յաջորդ կիւրակի Զատիկի տօնն է:

Իմանալու համար թէ լուսնի աւագ լրումը շաբաթուայ որ օրն է գալիս, գործ ենք դնում եօթներեակը, որ ցոյց է տալիս շաբաթուան օրերը:

Այսպէս Զատիկի տօնը գտնելուց յետոյ մենք արդէն գիտենք նոյն տարուայ տարեգիրը: Յայտնի է, որ տարեգիրը ցոյց է տալիս

Թէ Զատիկի տօնը քանի օր հեռու է Մարտի 21-ից. հետևապէս երբ յայտնի է Զատիկի տօնի օրը՝ կը հաշուենք թէ այդ օրը քանի օր հեռու է մարտի 21-ից և ինչ թիւ որ կը ստանանք մեր այբուբենից, նոյն թուին համապատասխանող տառը կըլինի նոյն թուի տարեգիրը:

Օրինակ.

1895 թ. վերադիրն է թ՛ (14)	46
	— 14
	32
մարտ — 31	
աւագ լրումն է ապրիլի 1-ին	1

Գտնել թէ ինչ օր է ապրիլի 1-ը.

Եօթներեակ 1895 թ.	7
Կրկնակ	+6
Ամսի առաջին օրը	1
	14
	— 7

Ապրիլի 1-ը շաբաթ օր է 7

Հետևեալ կիրակի՝ ապրիլի 2-ին Զատիկ է: Ապրիլի 2-ը 12 օր հեռու է մարտի 21-ից, ուրեմն 1895 թ. տարեգիրն է այբբենի 12-րդ գիրը կամ Լ տառը:

ԺԵ.

ՀԻՆԳՀԱՐԻԻՐԵԿԻ ՇՐՋԱՆ.

Չորրորդ դարում Անդրէաս անունով մէկ Բիւզանդացի իմաստասէր կարգի դրեց Յուլեան տոմարը. նա գտաւ, որ արևի 28 ամեայ և լուսնի 14 ամեայ շրջաններից կազմուում է մի նոր—մեծ շրջան 532 տարուայ, որ յառաջանում է 28 և 19 թուերի բազմապատկութիւնից: Այդ երկու շրջանները մի անգամ միասին սկսուելով՝ միայն 532 տարուց յետոյ միևնոյն դասաւորութեամբ կարող են կրկնուել և մեր եկեղեցական տօներն էլ միևնոյն կերպով կրկնուում են մրայն 532 տարուայ շրջանում:

Այդ նոր շրջանը կոչուում է մշտնջենաւոր շրջան և կազմում է նաև մեր հայ եկեղեցական տօների կարգաւորութեան հիմքը:

Մշտնջենաւոր շրջանը հետևեալ կերպով է կազմուում. Կիւրակին հին ժամանակ կոչուում էր «օր արեգական» և որովհետև կիրակիները ցոյց է տալիս եօթներեակը, այս պատճառով եօթներեակների 28 ամեայ շրջանը, ինչպէս գիտենք, կոչուում է արեգական շրջան: Գիտենք նաև, որ եօթներեակ-

ները մի տեղից սկսելով և աւարտելով 28 տարուան շրջանը՝ այնուհետև նորից սկսում են միևնույն համակարգութեամբ կրկնուել նույն ձևով: Ուրեմն 28 տարին մի անգամ օրերը տարուայ ընթացքում միևնույն կերպ յաջորդում են միմեանց:

Եթէ միայն շաբաթուայ օրերի հետ կապ ունենային մեր տօները և լուսինը գեր չբխաղար այդտեղ՝ 28 տարուան շրջան կունենային նաև մեր եկեղեցական տօները: Սակայն մենք գիտենք, որ տարուայ բոլոր տօների ուղեցոյց — Չատկի տօնը կախումն ունի զատկական լուսնից, իսկ լուսինը ունի տասնևինն տարուան շրջան — իննևտասներեակի, այսինքն լուսինը մի որոշեալ տարուայ մէջ ինչ օրեր որ ծնուում է, 19 տարուց յետոյ միայն միևնույն օրերը կարող է ծնուել, թէպէտ և ոչ միևնույն ժամերին:

Ուրեմն մենք ունինք երկու շրջան — մէկը 28 տարուան, որ ցոյց է տալիս 28 տարին մի անգամ օրերի միակերպ յաջորդութիւնը տարուան ընթացքում, միւսը 19 տարուան, որ ցոյց է տալիս 19 տարին մի անգամ լուսնի, ուրեմն նաև զատկական լուսնի ծննդեան ու լրման միակերպ յաջորդութիւնը տարուան ընթացքում:

Եթէ 19 տարում մի անգամ լուսնի, ուրեմն և Չատկի ամսի ու ամսաթուի դասաւորութիւնն է փոխուում, իսկ 28 տարին մի անգամ օրերի, ուրեմն նաև Չատկի օրուայ դասաւորութիւնն է փոխուում, 19 անգամ 28 տարում ( $19 \times 28 = 532$ ) մի անգամ պէտք է Չատկի, ինչպէս նաև նորա հետ կապ ունեցող շարժական տօները պատահեն թէ տարուայ միևնույն ամսի միևնույն օրում և թէ շաբաթուայ միևնույն օրերում:

Եւ ահա կազմուեցաւ 532 տարուայ շրջանը, որի վերայ հիմնուած է մեր եկեղեցական տօնացոյցը:

Թէպէտ այս շրջանը Անդրէաս Բիւզանդացին չորրորդ դարում գտաւ, բայց այդ շրջանի սկիզբը նա համարեց Փրկչի ծնունդից: Երբ այս առաջին շրջանը վերջացաւ՝ մեր տօմարը շփոթուեցաւ, որի պատճառով Չատկի տօնն էլ խանգարուեցաւ: Ուստի մի քանի տարուց յետոյ մեր Մովսէս Բ. Եղևարդեցի կաթողիկոսը Դուին քաղաքում ժողով գումարելով կարգի դրեց տօմարը և որոշեց, որ 552 թուից սկսուելի հինգհարիւրեկի երկրորդ շրջանը:

ԺԶ.

ՄՇՏՆՋԵՆԱԿԱՆ ԱՂԻՍԱԿ.

Վերոյիշեալ փաստերի հիման վերայ կազմուեցաւ 532 տարուայ մշտնջենական աղիւսակը. և այդ ժամանակաշրջանի աւարտելուց յետ նորից միւսնոյն դասաւորութեամբ կրկնուում են իւրաքանչիւր տարուայ թէ տարեգիրները, թէ վերագիրները, թէ եօթներեակները և թէ Չատիկի տօնը և սորա հետ կապուած բոլոր շարժական տօները իրանց միջոց ուտիքներով:

Մշտնջենական աղիւսակը պարզ ցոյց է տալիս մեզ 532 տարուայ Քրիստոսի և Հայոց սոմարական թուականները և տարեգիրների, վերագիրների ու եօթներեակների դասաւորութիւնը: Իսկ տօները և իրանց միջոցները ցոյց տալու համար կազմուած է տօնացոյց տարեգիրների թուի համեմատ:

Մշտնջենական աղիւսակը կազմուած է հետեւեալ ձևով.—

Մի ցանց ուղղահայեաց 28 խորաններով և հորիզոնական 19 խորաններով ( $28 \times 19 = 532$ ). վերեւից իւրաքանչիւր խորանի գլխին գրուում են 19 վերագիրները. ձախ կողմից 28

խորաններին կից գրուում են Փրկչական և Հայկական թուականները—որ և է մեծ շրջանի սկզբից, պարզ բան է մեզ համար վերջին հինգհարիւրեկի առաջին տարուց, այսինքն Փրկչական 1616 և Հայոց ՌԿԵ թուից: Առաջին խորանի մօտ գրուելով 1616 թիւը, շարունակ ենթագրուում է հետեւեալ 19 թուականները մինչև առաջին կարգի խորանների սկզբին դնում ենք 1635 թիւը. և այդպէս շարունակուում է մինչև վերջը: Իսկ այդ խորաններում դնում ենք համապատասխան տարիների տարեգիրները և եօթներեակները:

Եւ ահա պատրաստ է մշտնջենական շրջանի աղիւսակը, որի աւարտելուց յետոյ նորից վերագառնում ենք նորա սկզբին, փոխելով միայն թուականները:

ԺԷ.

ՊԱՐՉԱՏՈՒՄԱՐԱԿԱՆ ԱՂԻՍԱԿ.

Շարժական գլխաւոր տօների և միջոց ուտիքների համար տօնացուցից քաղած մի համառօտ աղիւսակ կայ, որ նոյնպէս տարեգիրների ղեկավարութեամբ է կազմած. սա

գլխաւորապէս դըրոււմ է ժամագրքերոււմ, որ-  
պէս զի նախընթաց աղիւսակով գտնելով ցան-  
կացած տարուալ տարեգիրը՝ սորանով ևս գըտ-  
նենք նոյն տարուալ գլխաւոր շարժական տո-  
ները և միջոց ուտիքները: Սա շատ պարզ է  
կազմած. — նոյնպէս մի ցանց, որի ձախ կող-  
մից ուղղահայեաց դըրոււմ են 36 տարեգիր-  
ները, իսկ վերեւից նշանաւոր շարժական տո-  
ներն ու միջոց ուտիքները. իսկ խորաննե-  
րոււմ դըրոււմ են համապատասխան ամսա-  
թուերը և օրերը:

ՃԸ.

ՀԱՅՈՑ ԵՎԵՂԵՑԱԿԱՆ ՏՕՆԱՅՈՅՑ.

Մեր եկեղեցական տօնացոյցը սկզբնաւո-  
րուել է սուրբ Գրիգոր Լուսաւորչից Հայոց  
ազգի լուսաւորութեան սկզբին երրորդ դա-  
րոււմ և կարգի է բերուել նախ՝ հինգերորդ  
դարոււմ ս. Սահակ Պարթև, Գիւտ և Յովհանն  
Մանգակունի հայրապետների ձեռքով, երկ-  
րորդ անգամ՝ երկոտասաներորդ դարոււմ ս.  
Ներսէս Շնորհալի հայրապետի ձեռքով և վեր-  
ջին անգամ՝ անցեալ տասն և ութերորդ դա-  
րու վերջին կիսոււմ երջանկայիշատակ Սիմէոն

կաթուղիկոսի ձեռքով, որը և տօնացոյցը բա-  
ժանեց երկու հատորի, որոնցից

ա. Առաջին հատորը պարունակոււմ է  
իւր մէջ բոլոր անշարժ և շարժական տօնե-  
րը այն կարգով, ինչ ընթացքով որ ընդհան-  
րապէս դոքա տօնոււմ են տարուան մէջ. տե-  
ղափոխուող տօներն էլ դրած են այն տեղե-  
րոււմ, ուր նոքա գլխաւորապէս տօնոււմ  
են: Սոյն առաջին հատորը մանրամասնաբար  
ցոյց է տալիս, թէ ո՞ր տօնին ինչ ընթերց-  
մունքներ, երգեր, շարականներ են գործ ած-  
ոււմ և ո՞րպիսի արարողութիւններով ու ծէ-  
սերով: Այնպէս որ միանգամ գիտենալով թէ  
որեւիցէ օրը ինչ տօն է՝ մենք այդ տօնի կա-  
տարման ամենայն պարագաները գտնոււմ ենք  
առաջին հատորի մէջ իւր տեղոււմ:

բ. Իսկ երկրորդ հատորը, որ ասոււմ է  
նաև քանոն և կառավարիչ առաջին հատո-  
րին, ղեկավարոււմ է առաջին հատորը: Վա  
36 աղիւսակ է մեր 36 տառերի թուով, որ  
ցոյց է տալիս թէ երբ տարեգիրը այս կամ  
այն տառն է, ո՞ր շարժական տօները երբ,  
այսինքն ամսի քանիսին են տօնոււմ, շաբա-  
թապատերի միջոց ուտիքները քանի՞ օր կամ  
շաբաթ են, բարիկենդանները երբ են գալիս,  
եկեղեցական ձայներից ո՞րը երբ է գործած-

ւում և այլ կարևոր գիտելիքներ, որոնք անհրաժեշտ են աստուածապաշտութեան համար: Ուրեմն առաջին հատորը իսկապէս բացատրութիւն և շարունակութիւն է երկրորդ հատորին և գիտենալով տարուան տարեգիրը՝ դորանով մենք գիտենք արդէն — տարուան բոլոր տօնակատարութիւնները իւր բոլոր մանրամասնութիւններով: Մեզ հարկաւոր է ուրեմն իմանալ միայն երկրորդ հատորի կազմութիւնը, որովհետև նա է բանալին առաջին հատորի:

Նախքան տօնացուցի երկրորդ հատորի կազմութիւնը իմանալը՝ պէտք է գիտենանք տօների և պասերի տեսակները և միջոց ու տիքների որքանութիւնը, որոնց կարգաւորութիւնը ցոյց է տալիս տօնացոյցը:

Ա. Տ օ ն ե ռ ը:

Տօները երկու տեսակ են, անշարժ և շարժական:

Անշարժ այն տօներն են, որոնք ամեն տարի միշտ միևնույն ամսի միևնույն օրն են հանդիպում. դոքա հետևեալներն են. —

- ա. Յունուար 5 ձրագալոյց ծննդ. Քրիստոսի.
- բ. » 6 Աստուածայայտնութիւն.
- գ. » 7 Մեռելոց.

- դ. » 8, 9, 10, 11 և 12 օրերը.
- ե. » 13 Անուանակոչութիւն Քրիստոսի.
- զ. Փետր. 14 Տեառներնդ առաջ.
- է. Ապրիլ 7 Աւետումն ս. Աստուածածնի.
- ը. Սեպտեմբ. 8 Ծնունդ ս. Աստուածածնի ի Սննայէ.
- թ. Նոյեմբեր 21 Ընծայումն ս. Աստուածածնի ի տաճարն.
- ժ. Դեկտեմբեր 9 Յղութիւն ս. Աստուածածնի ի Սննայէ.

Շարժական այն տօներն են, որոնք Չատիկի տօնի հետ յետ ու առաջ են շարժւում, որոնց երբ տօնուելիլը ցոյց է տալիս երկրորդ հատորը, և դոքա են մնացեալ բոլոր տօները:

Շարժական տօները թէպէտև իւրաքանչիւր տարի նայելով Չատիկի տօնին այլ և այլ ամսին են պատահում. բայց այսքանը հաստատ է, որ դոքա որոշեալ կարգով են միմեանց յաջորդում. օրինակ եթէ գիտենք, թէ որևէ տարին առաջաւորաց պահքը երբ է լինում՝ գիտենք նաև որ երկու շաբաթ յայտնի սրբոց տօները տօնելուց յետոյ բուն բարեկենդան է, սորա լիսներորդ օրը Չատիկ է, վերջնիս քառասներորդ օրը Համբարձումն է, տասն օրից յետ Հոգեգալուստ և այլն:

Բայց կան շարժական տօներ, որոնք մի-  
ևնոյն ժամանակ և տեղափոխուող են, այս-  
ինքն չեն տօնուում որոշեալ կարգով, այլ նա-  
յելով Ձատկի տօնին՝ երբեմն սորանից առաջ  
են տօնուում և երբեմն յետոյ: Դոքա հետե-  
ւեալներն.

ա. Ծնունդից յետ տօնուող 11 տները,  
որոնք տօնացուցի մէջ ապայից տօներ են  
կոչուում, որովհետև, յաջորդաբար տօնուելու  
պատճառով իւրաքանչիւրի սկզբում կրկնուում  
է «ապա տօն . . » բառերը:

ը. Վարդավառի և Աստուածածնի վերա-  
փոխման միջոցում տօնուող երկու շաբաթուայ  
տօները:

Եւ գ. Վերափոխումից յետ չորրորդ շա-  
բաթուայ երկու տները, այն է Անդրէ զօ-  
րավարի և Անդրիանոսի տները և բոլորից  
վերջի երկու տնը, այն է Աբրահամու և Խո-  
րէնի, և Աստուածատուր վկայի (Իզտբուզտ)  
տները:

Բ. Պ ա ս ն ը ը.

Բացի չորեքշաբթի և ուրբաթ օրերից,  
որոնցից առաջինը ի պատիւ Աւետեաց Աս-

տուածամօր \*), իսկ երկրորդը իբրև յիշատակ  
Յիսուսի խաչելութեան միշտ պահում ենք  
առանց սրբոց տօնակատարութեանց՝ Հայաս-  
տանեայց սուրբ եկեղեցին սահմանադրած ունի  
հետեւեալ պահքերը.

ա. Կեկտեմբերի 30-ից մինչև յունուարի  
5-ը ի պատիւ Քրիստոսի ծննդեան, և այդ  
ժամանակ տօներ չեն տօնուում, բացի ս. Բար-  
սեղ հայրապետի և նորա հետ տօնուող սրբ-  
բերի տօնից, որ կատարուում է պահոց շա-  
բաթ օրը և այն ո՛չ միշտ:

ը. Առաջաւորաց պահք— 5 օր. չորս օր  
առաջ տօների, իսկ ուրբաթ՝ Յովնան մարգա-  
րէի յիշատակ:

գ. Քառասնորդական կամ մեծ պահք.  
որոնցից իւրաքանչիւր շաբաթ սրբոց տօներ  
են կատարուում, իսկ կիւրակիները յիշատակ են՝

Երկրորդ կիւրակի — Արտաքսման.

Երրորդ » — Անառակին.

Չորրորդ » — Տնտեսին.

Հինգերորդ » — Դատաւորին.

Վեցերորդ » — Գալստեան.

Եօթներորդ » — Ծաղկազարդ.

դ. Եղիական պահք— 5 օր, Հոգեգալըս-

\*) Ինչպէս երգում է եկեղեցին «ի չորրորդ  
օր դարձեալ հրեշտակն ետ զաւետիսն կուսական»:

տեան Տէրունական տօներով, ըստ կարգա-  
դրութեան Շնորհալույն:

կ. Լուսաւորչի պահք— 5 օր, երեքը  
սրբոց տօներով:

զ. Վարդավառի պահք— 5 օր, առանց  
տօների:

է. Ս. Աստուածածնի վերափոխման պահք  
— 5 օր, առանց տօների:

ը. Ս. Խաչի վերացման պահք— 5 օր, ա-  
ռանց տօների:

թ. Վարդապայ ս. Խաչի պահք— 5 օր,  
երեքը սրբոց տօներով:

ժ. Յիսնակաց պահք— 5 օր, առանց տօ-  
ների:

ժա Ս. Յակովբի պահք— 5 օր, երեքը  
սրբոց տօներով:

ժբ. Աստուածայայտնութեան, Յարու-  
թեան, Վարդավառի, Վերափոխման և ս. Խա-  
չի վերացման պատերը կոչուում են նաւակա-  
տեաց պատեր և այդ պատերին— Աստուածա-  
յայտնութեան ճրագալուցի օրն ու միւս պա-  
տերի շաբաթ օրերը մեր Եկեղեցին արգելած  
է մսի գործածութիւնը հրէաներից որոշուելու  
համար, որոնք այդ օրերը զոհ էին անում:

Գ. Միջոց ուտիքներ:

Մենք գիտենք, որ տօները շարժուում են  
տարուայ ընթացքում՝ ուրեմն շարժուում են  
նաև շաբաթապահքերի միջոց ուտիքները,  
տօնուում են այդ տօները, և նայելով թէ  
Ձատկի տօնը վաղ է գալիս թէ ուշ՝ միջոց  
ուտիքներն էլ երկար են տևում կամ կարճ:

Միջոց ուտիքները, որոնց տևողութիւ-  
նը փոփոխուում է, հետևեալներն են. —

ա. Յայտնութեան միջոց ուտիք, այսինքն  
այն միջոցը, որ լինում է Աստուածայայտնու-  
թեան տօնից մինչև առաջաւորաց բարեկեն-  
դանը և դա տևում է 6—41 օր:

բ. Վարդավառի և Աստուածածնի Վե-  
րափոխման միջոց ուտիքը. դա լինում է մէ-  
կից մինչև վեց շաբաթ:

գ. Աստուածածնի և ս. Խաչի միջոց ու-  
տիքը. լինում է երեք կամ չորս շաբաթ:

դ. Վարապայ Խաչից մինչև Յիսնակաց  
բարեկենդանը միջոց ուտիքը (որ կոչուում է  
նաև «եօթն շաբաթներ») միջոց՝ տարուայ մէջ  
բացի դորանից ուրիշ 7 շաբաթ ուտիք չըլի-  
նելու պատճառով). լինում է 7 կամ 8 շա-  
բաթ:

Եւե.ս. Յակովբի տօնից մինչև ծննդեան պահքը միջոց ուտիքը, որ տեւում է 12-ից մինչև 18 օր:

Իսկ միւս միջոց ուտիքները միշտ անփոփոխ են, այն է՝

ա. Սուրբ Սարգսի տօնից 2 շաբաթ անց բուն բարեկենդան է:

ը. Զատիկից 40 օր անց Համբարձումն է:

զ. Համբարձումից 10 օր անց Հոգեգազարուտ է և այդ օրը բարեկենդան է Եղիական պահոց:

ը. Եղիական պահոցից յետոյ 2 շաբաթ ուտիք է և ապա ս. Լուսաւորչի բարեկենդան:

ե. Ս. Լուսաւորչի տօնից 2 շաբաթ անց Վարդավառի բարեկենդան է:

զ. Ս. Խաչից մի շաբաթ անց Վարագայ խաչի բարեկենդան է:

է. Յիսնակամտից մինչև ս. Յակովբի բարեկենդանը երկու շաբաթ ուտիք է:

Պէտք է գիտենալ նաև՝ որ

Ս. Ս. Աստուածածնի վերափոխման տօնի բուն օրն է Օգոստոսի 15-ը. բայց որովհետև այդ տօնը միշտ կատարւում է կիւրակի օրը, վասնորոյ վերցնում ենք երկու կողմից մօտաւոր կիւրակիները—երեք օր առաջ,

երեք օր յետոյ՝ Օգոստոսի 12—18 և այդ 7 օրուայ ընթացքում պատահող կիւրակի օրը տօնւում է Վերափոխումը, երբէք ոչ յետ և ոչ առաջ: Ուրիշ եկեղեցիք Վերափոխումը տօնում են օգոստոսի 15-ին, որ օրն էլ զա՛հանդիպի:

Բ. Ս. Խաչի վերացման տօնի բուն օրն է Սեպտեմբերի 14-ը. բայց միևնոյն կերպով կիւրակի օրը տօնելու համար՝ վերցնում ենք երկու կողմի մօտաւոր կիւրակիները—երեք օր առաջ, երեք օր յետոյ—Սեպտեմբերի 11—17 և այդ 7 օրուայ ընթացքում պատահող կիւրակի օրը տօնւում է ս. Խաչի Վերացումը, ոչ յետ և ոչ առաջ: Ուրիշ եկեղեցիք խաչվերացը տօնում են ճիշտ Սեպտեմբերի 14-ին:

Գ. Յիսնակի բարեկենդանի բուն օրն է Նոյեմբերի 18-ը, որովհետև այդ օրից մինչև Յունուարի 6-ը ճիշտ 50 օր է, որ է Աստուածայայտնութեան յիսնակը. բայց որովհետև Հայաստանեայց եկեղեցին Յիսնակին շաբաթապահ է սահմանած, վասնորոյ վերցրած է երկու կողմի մօտաւոր կիւրակիները—երեք օր առաջ և երեք օր յետ—Նոյեմբերի 15-ից մինչև 21 և այդ եօթնեկի ընթացքում ընկնող կիւրակի օրը լինում է Յիսնակի բարեկենդանը:

Դ. Տօնացուցի ամբողջութիւնը:

Ուրեմն մենք ունինք այժմ տօնացուցի գլխաւոր հիմունքը—հաստատուն կէտերը, այն է՝

1. Յունւով. 6-ը—Աստուածայայտնութիւն:
2. Զատիկը, ուրեմն նաև բուն բարեկենդանը և Առաջաւորաց բարեկենդանը և Զատիկից մինչև Վարդավառ եղած ժամանակը
3. Աստուածածնի Վերափոխման տօնի ժամանակը:
4. Սուրբ խաչի վերացման տօնը և այդտեղից մինչև Վարագայ խաչը եղած ժամանակը:
5. Յիսնակի բարեկենդանի և այդտեղից մինչև ս. Յակովբի տօնը եղած ժամանակը:
6. Եւ վերջապէս՝ Ծննդեան պահքի բարեկենդանը, որ է Ղեկտեմբերի 30-ին:

Գիտենալով գլխաւորապէս. թէ Ա. տարեգիր եղած տարին Զատիկի տօնը Մարտի 22-ին է կատարուում, մենք Զատիկից առաջ և յետոյ այդ տօները դասաւորելով իւրաքանչիւրը իւր տեղում, մնացեալ դատարկ միջոցներում դրուում են և տօնուում որոշեալ սրբերի տօները:

Նոյն ձևով ենք վարուում նաև հետևեալ տարեգիրների տօնացոյցը կազմելիս, միայն որովհետև իւրաքանչիւր տառից յետոյ մի օրով յետաձգվում է Զատիկի տօնը, ուրեմն և Զատիկից առաջ միջոցն աւելանում է, իսկ Զատիկից յետ պակասում, ուստի և տեղափոխուող տօներից ոմանք, նայելով թէ որքան օր է սկզբից աւելանում և վերջից պակասում, տեղափոխուում են առաջ՝ աւելացած օրերին տօնուելու համար:

Այս ձևով կազմում ենք ամբողջ տօնացոյցը 36 գրերի վերայ: Իսկ այդ գրերի գործածութիւնը մենք արդէն գիտենք մշտնջենաւոր 532 ամեայ շրջանից:

Ե. Շարժական, տէրունական եւ այլ տօների օրերը գտնելու կանոնները:

1. Առաջաւորաց բարեկենդան: Երբ տարեգիրը Ա. է, ուրեմն և Զատիկը Մարտի 22-ին, Առաջաւորաց բարեկենդանը գալիս է Յունուարի 11-ին և այդպէս Զատիկը իւրաքանչիւր հետևեալ տարեգրին մի մի օր յետ ընկնելով նորա հետ առաջաւորաց բարեկենդանն էլ մի մի օր յետ է ընկնում. ուրեմն շատ բնական է, որ Յունուարի 10-ին եթէ

տարեգիրն աւելացնենք, վերջին օրը կըլինի Առաջաւորաց բարեկենդանը:

Միւսնոյն հաշուով՝

2. Փետրուարի մէկից տարեգրի թիւը հաշուելով գտնում ենք ըուն բարեկենդանը:

3. Մարտի 21-ին տարեգրի թիւը աւելացնել՝ Զատիկի տօն է:

4. Ապրիլի 18-ի տարեգրի թիւը աւելացնել՝ Երեւման Խաչ է:

5. Ապրիլի 29-ին տարեգրի թիւն աւելացնել՝ Համբարձումն է:

6. Մայիսի 9 ին տարեգրի թիւն աւելացնել՝ Հոգեգայուստ է:

7. Մայիսի 30-ին տարեգրի թիւն աւելացնել՝ Ս. Գրիգոր Լուսաւորչի բարեկենդանըն է:

8. Յունիսի 27-ին տարեգրի թիւն աւելացնել՝ Վարդավառ է:

9. Արովհեստե երբ Ա տառը տարեգիր էր՝ վերափոխման տօնը Օգոստոսի 16-ին էր, ուրեմն և իւր շրջանից (Օգոստոսի 12—18) չորս տարի յետոյ՝ ուստի տարեգրի թիւին 4 աւելացնելով՝ ստացած թիւը 7-ի ենք բաժանում, մնացորդը ցոյց է տալիս, թէ իւր շրջանի որ օրն է գալիս վերափոխումը:

10 Միւսնոյն պատճառով տարեգրի թիւի վերայ աւելացնում ենք 2 և ստացածը եօթի բաժանում, և մնացորդը ցոյց է տալիս, թէ իւր շրջանի (Սեպտեմբերի 11—17) որ օրն է պատահում ս. Խաչի տօնը:

2. Կիւրակի պահելու օրեր.

Հայոց եկեղեցու Հայրապետների սահմանադրութեամբ բացի բնական կիւրակի օրերից՝ որոշուած են կիւրակի համարել նաև հետեւեալ օրերը տարուայ մէջ.

1. Յունուարի 6 և 7. Քրիստոսի Ծնընդեան ա. և ը. (մեռելոց) օրերը.

2. Յունուարի 13. ութերորդ օրը—Անուանակոչութեան Տեառն:

3. Փետրուարի 14. Տեառնընդառաջ:

4. Ծարժական . Ս. Վարդանանց զօրավարների տօնը

5. Ծարժական . Աւագ Հինգշաբթի:

6. » . Զատիկի երկուշաբթի

(մեռելոց) և երեքշաբթի օրերը:

7. Ապրիլ . 7 Աւետումն ս. Կուսին:

8. Ծարժական . Համբարձումն Քրիստոսի:

9. » . Ս. Գրիգոր Լուսաւորչի երեք տօները:

10. » . Վարդավառի; Աստուածածնի և Խաչվերացի երկուշաբթի օրերը (մեռելոց):

11. Ս. Աստուածածնի երեք տօները. — ա. Սեպտեմբերի 8 — Ծննդեան.

բ. Նոյեմբերի 21 — Երկր ամաց ընծայման.

գ. Դեկտեմբերի 9 — Յղուծիւն.

12. Շարժական . Հրեշտակապետաց տօնը:

13. » . Ս. Թադէոս և Բարդուղիմէոս առաքեալների տօնը:

14. » . Ս. Թարգմանչաց Սահակ և Մեսրոպայ:

15. » . Ս. Թադէոս առաքելոյ և Սանդուխտ կուսի տօնը:

է. Եկեղեցական ձայները.

Հայաստանեայց ս. Եկեղեցու արարողութիւնը կանոնաւոր կերպով կատարելու համար մեր շարական երգող սուրբ հայրերը ութըն ձայների բաժանեցին շարականները. այդ ձայների համաձայն վարում ենք նաև բոլոր եկեղեցական երգերն ու ընթերցմունքները: Զայները սօքա են.

Առաջին ձայն — աճ.	Երրորդ ձայն — զճ.
Առաջին կողմ — ալ.	Վառ ձայն — զլ.
Երկրորդ ձայն — քճ.	Չորրորդ ձայն — ղճ.
Աւագ կողմ — քլ.	Վերջ ձայն — ղլ.

Այս ձայները մեծ պասի երկուշաբթի օրից սկսած յաջորդաբար գործ ենք դնում մինչև հետևեալ բուն բարեկենդանը. բուն բարեկենդանի օրը ինչ ձայն էլ որ լինի՝ փոխում ենք վերջ ձայն և մեծ պասի երկուշաբթի օրուանից դարձեալ նոյն կարգով շարունակում: Այս հաշուով Զատիկի օրը միշտ աճ. է լինում:

Եկեղեցու ժամերգութիւնը լինում է դասէդաս. աւագանի կողմը կոչւում է աջակողմեան դաս, իսկ միւսը՝ ձախակողմեան: Բուն ձայները մի տարի աջակողմեան դասին են պատկանում, միւս տարի ձախակողմեան: Բուն ձայները որ դասին որ պատկանին՝ նոցա է պատկանում եկեղեցական երգեցողութեան մի որոշեալ մասի սկսելը: Ուստի և մի դասը մի օր ձայն պիտի վարէ և միւս դասը՝ կողմ, և այդպէս փոխէփոխ պիտի շարունակուի:

Զայն վարող դասը կոչւում է աւագ երիցու դաս, որովհետև աղօթքները այն դասի քահանան է ասում. և քարոզները միւս դասի սարկաւազը, իսկ այն դասը, որ հետևեալ օրը պիտի ձայն վարէ՝ կոչւում է աշակերտի դաս:

Ուրեմն կարևոր է գիտենալ, թէ ինչ եղանակով ենք իմանում թէ որ և է տարին բուն ձայները որ դասին են պատկանում:

Երբ որ Փրկչական թուականը զոչք թիւ է լինում՝ բուն ձայները այդ տարին Աջակողմեան դասին են, իսկ կողմերը աջակերտի դասին. իսկ երբ անզոչք է՝ դորա հակառակը:

Ը. Չայն գիւտ.

Եթէ ուզում ենք իմանալ թէ որ և իցէ որ ինչ ձայն է՝ այսպէս ենք գտնում.

Մենք գիտենք, որ մեծ պատիերկուշաբ-թի և Զատիկ օրերը միշտ աձ. է լինում. այդ երկուսի մէկից մինչև տուած օրը հաշուելով՝ ստացած թիւը բաժանում ենք 8-ի վերայ. մնացորդը ցոյց է տալիս թէ որ ձայնն է տուած օրը. եթէ 1 է աձ. է, եթէ 2՝ ալ. և այլն:

ԺԹ.

Յ Ա Ի Ե Լ Ո Ի Ա Ծ.

Ա. Հումնի աւագ լրման աղիւսակ.

Վերա- դիւրներ.	Ա Վ Ի Ա Ե Ն.	Աւագ լր- րումն.
բ.	Ապրիլի	13
ժգ.		2
իդ.	Մարտի	22
ե.	Ապրիլի	10
ժգ.	Մարտի	30
իէ.	Ապրիլի	18
ը.		7
ժթ.	Մարտի	27
լ.	Ապրիլի	15
ժա.		4
իբ.	Մարտի	24
գ.	Ապրիլի	12
ժգ.		1
իե.	Մարտի	21
դ.	Ապրիլի	9
ժէ.	Մարտի	29
իը.	Ապրիլի	17
թ.		6
իա.	Մարտի	25

Բ. Ամսի սկիզբը ցոյց տուող աղիւսակ.

Ե օ թ ն ե ր ե ա կ ն ե ր .

Ա Վ Ի Ս Ա Կ Ե Ր .	Ա.	Բ.	Գ.	Գ.	Ե.	Զ.	Է.
Յունուար. 31.	բշ.	դշ.	դշ.	եշ.	ուր.	շբ.	կեր.
Փետրուար. 28	եշ.	ուր.	շբ.	կեր	բշ.	դշ.	դշ.
Մարտ. 31.	եշ.	ուր.	շբ.	կեր.	բշ.	դշ.	դշ.
Ապրիլ. 30.	կեր.	բշ.	դշ.	դշ.	եշ.	ուր.	շբ.
Մայիս. 31.	դշ.	դշ.	եշ.	ուր.	շբ.	կեր	բշ.
Յունիս. 30.	ուր.	շբ.	կեր	բշ.	դշ.	դշ.	եշ.
Յուլիս. 31.	կեր.	բշ.	դշ.	դշ.	եշ.	ուր.	շբ.
Օգոստոս. 31.	դշ.	եշ.	ուր.	շբ.	կեր.	բշ.	դշ.
Սեպտեմբեր. 30.	շբ.	կեր.	բշ.	դշ.	դշ.	եշ.	ուր.
Հոկտեմբեր. 31.	բշ.	դշ.	դշ.	եշ.	ուր.	շբ.	կեր.
Նոյեմբեր. 30.	եշ.	ուր.	շբ.	կեր.	բշ.	դշ.	դշ.
Դեկտեմբեր. 31.	շբ.	կեր.	բշ.	դշ.	դշ.	եշ.	ուր.

Գ. Հասակի — կիրակիների ցուցակը.

Ե օ թ ն ե ր ե ա կ ն ե ր .

	Է.	Զ.	Ե.	Գ.	Գ.	Բ.	Ա.
Իա.	Իդ	Իէ	Իը	Իթ	Լ	Լա	1
բ.	16	17	18	19	20	14	15
ժգ.	9	3	4	5	6	7	8
Իդ.	Իդ	Իէ	Իը	Իթ	Իգ	Իդ	Իե
ե.	16	17	11	12	13	14	15
ժդ.	2	3	4	5	6	Լա	1
Իէ.	23	24	25	19	20	21	22
ը.	9	10	11	12	13	14	1
ժթ.	2	3	Իը	Իթ	Լ	Լա	1
Լ.	16	17	18	19	20	21	22
ժա.	9	10	11	5	6	7	8
Իբ.	Իդ	Իէ	Իը	Իթ	Լ	Լա	Իե
դ.	16	17	18	19	13	14	15
ժդ.	2	3	4	5	6	7	8
Իե.	Իդ	Իէ	Իը	Իբ	Իգ	Իդ	Իե
դ.	16	10	11	12	13	14	15
ժէ.	2	3	4	5	Լ	Լա	1
Իը.	23	24	18	19	20	21	22
թ.	9	10	11	12	13	7	8

Դ. Չայնգիւտի աղիւսակ.

	ա	բ	գ	դ	ե	զ	է	թ	ժ	Է	Ը	Ս	Վ	Մ	Ր	Գ	Լ	Փ
	թ	ժ	Է	Ը	Ս	Վ	Մ	Ր	Գ	Լ	Փ	Տարեգիրներ,						
	ձ	ղ	ճ	ժ	յ	չ	ո											
	չ	պ	ջ	ռ														
Փետրվար	7	6	5	4	3	2	1	8										
Մարտ	3	2	1	8	7	6	5	4	7	6	5	4	3	2	1			
Ապրիլ	2	1	8	7	6	5	4	3	6	3	4	3	2	1	8			
Մայիս	8	7	6	5	4	3	2	1	4	5	2	1	8	7	6			
Յունիս	7	6	5	4	3	2	1	8	3	2	1	8	7	6	5			
Յուլիս	5	4	3	2	1	8	7	6	1	8	7	6	5	4	3			
Օգոստոս	4	3	2	1	8	7	6	5	8	7	6	5	4	3	2			
Սեպտ.	3	2	1	8	7	6	5	4	7	6	5	4	3	2	1			
Հոկտ.	1	8	7	6	5	4	3	2	5	4	3	2	1	8	7			
Նոյեմբ.	8	7	8	5	4	3	2	1	4	3	2	1	8	7	6			
Դեկտ.	6	5	4	3	2	1	8	7	2	1	8	7	6	5	4			
Յուլիս	5	4	3	2	1	8	7	6	1	8	7	6	5	4	3			
Փետրվար	4	3	2	1	8	7	6	5	8	7	6	5	4	3	2			
Մարտ									7	6	5	4	3	2	1			

Այս աղիւսակով այսպէս ենք դանում ձայնը. փերցնում ենք ամսի եւ տարեգրի ուղղութեամբ հանդիպած թիւը, աւելացնում նորա փերայ տուած թիւը ամսի, գումարը 8-ի բաժանում. մնացորդը ցոյց է տալիս թէ ինչ ձայն է, եթէ 1 է մնում Ա2. է, 2՝ ԱԿ. եւ այլն:

Օր. կամենում ենք իմանալ թէ մարտի 8-ին ինչ ձայն է. փերագրեալ խրատի համաձայն 1890 թ. Ի տարեգրի ուղղութեամբ կգտնենք Մարտի 1 թիւ, որի փերայ եթէ աւելացնենք Մարտի 8-ը, գումարը կլինի 9. եթէ բաժանենք 8-ի մնացորդ կլինի 1, որ է Ա2. մարտի 8-ին:







- 13 Գօն Քիչօս լամանչեցի Մ. Սէրվանտէսի  
1878 (սպառուած) . . . . . — 70
- 14 Գէորգ Ռօլլէսօն, վէպ 1879 . . . . . — 60
- 15 Երրորդ ոսկի, առակ Լակիգէի (պարգևա-  
տրուած Ս. Պ. Փրէօրելեան ընկ. կող-  
մից) բ. տպ. 1893 . . . . . — 10
- 16 Ռօբինզօն (Տրատ. Թիֆլիսի տպագր.  
ընկերութեան) 1881 . . . . . — 60
- 17 Չէստէրտօնի ժառանգը, պատկ. 1882 1 —
- 18 Ակտէա, տ. Սիսօնվայի 1885 . . . . . — 50
- 19 Եան Էրնստ Սմօլեար Ն. Եանչուկի 1885 — 20
- 20 Արծուի մտածմունքը, պրոֆ. Մ. Բոյ-  
գանովի 1892 . . . . . — 05
- 21 Գիւղի սուրբը. Սվետոպօլկ Չէխի, 1892 — 10
- 22 Կեանքի գպրոցը, Գիկկէնսի 1893 1 —

Պ.

Հրատարակութիւնները.

- 1 Իս. Յարութեան. Հայոց գիրը 1893 1 50
- 2 Իշխ. Կ. Բեհրութեան. Ծուխ 1893 — 15
- 3 Ռանգաբէ. Էմաէ. վէպ. Թարգմանու-  
թիւն Յ. Լալայեանց 1893 . . . . . — 25
- 4 Ալբեր Այնօ. Քուրդի լեառն. Թարգ.  
1894 . . . . . — 25
5. Ճաղարբէգեան Յ., Հայոց լեզու. ա. տ.  
գասագիրը Հայ. ծխ. գպր. Համար — 30

Պ.

Մեզ մօտ է ամբողջ պահեստը հետևեալ  
գրքերի.

- 1 Խուլ Խաչիկ, պատմական վէպիկ Քամա-  
լեանց Ս. 1894 . . . . . — 25

59

- 2 Փերիզադէի երգը. Փոքր Ասիայի կեանքից, թարգմ. Յ. Լալայեանց 1894 — 25
- 3 Ղարիբ Մշեցի. պատկեր տաճկահայերի ներկայ կեանքից 1894 . . . . — 10
- 4 Հուքսէւ. Տարերք բնական գիտութեանց, թարգմ. Իս. Յարութիւնեանց 1894 օժանդակ ձեռնարկ հայ դպր. համար — 40

ԲԱՅՈՒԱԾ Է ԲԱԺԱՆՈՐԳԱԳՐՈՒԹԻՒՆ  
Պ Ի Ի Ա Ն

## ՀԱՅՈՑ ՊԱՏՄՈՒԹԵԱՆ

ԺՈՂՈՎ ԱԾՈՒՐ

Պ. եւ Ե. գրքերի համար, որոնք կը պարունակեն բազմաթիւ պատմական գրագրութիւններ թի՛ւ եւ ժի՛ն դարերի:

Քր. Բարսեղի. Գիրքը բաղկացած է կի՛նի 12 մեծագ. իր թերթից:

Երկու գրքի բաժանորդագինն է 3 ռ.: Առաջին գիրքը մամուլի տակ կը մտնի հէնց որ բաժանորդների թիւը 200-ի կը հասնի:

Ժամօթ.: Ա. Բ. եւ Գ. գրքերը տպուած են եւ արժեն 9 ռ. բոլոր 5 գրքերը ստանալ ցանկացողը վճարում է 10 ռ.:

Հասցեն. — Տփլիս, ԳԻԻՏ ԲԱԶ. ԱՂԱՆԵԱՆՑ Կարելի է դիմել և ԿԵՆՏՐՈՆԱԿԱՆ ԳՐԱՎԱՃԱՌԱՆՈՑԸ.

Հուտով կտպուի Գիւա քահ. Աղանեանցի

### «ԿԱՐԳ ԱՍՏՈՒԱԾՊԱԶՏՈՒԹԵԱՆ»

Գասագիրք թեմական եւ ծխական դպրոցների համար

2847

2015

« Ազգային գրադարան



NL0067116

